

程侍郎遺集

二





程侍郎遺集

(三)

J
17.8

1.2213

程恩澤撰

程侍郎遺集初編卷四

粵東雜感九首

嶺海中閒起奧都。水深山峭土豐腴。萬花界斷空明鏡。百寶鎔成造化爐。常隱諸星懸戶牖。嶺南近南極南極高故常

隱。圖星飛行十日抵津沽。謂海舶往來之速從來饒有衣冠氣。配得繁雄楚蜀吳。

一從陸賈侈歸裝。卷握都夸世富強。有客媚川歌得寶。為劉置瀾川都為探珠也何人臨浦復沈香海邊鏡颺時掀屋。

林外金蠶夜吐光。更有瘴雲渾似瘡。能教俄頃變炎涼。自陸大夫後入粵東者皆以寶區視之故天時人事日變日非

家藏洋鏡鑄精兵。耳熟春雷動地聲。傾里交鋒官走避。借軀償鼻鬼光明。盜來清晝商幾斷。白日劫到高

年夢亦驚。劫賈人口取贖。古有帶牛成美政。今無乳虎立威名。

豐趺凝雪錦鞵圓。盛鬢垂髻翠鳳偏。素女圖開花蹀躞。念奴歌起玉纏緜。謂木魚歌驚波不撼鴛鴦舫。謂沙面定舫

斜照尤明孔雀船。昔之六蓬船有楫孔雀毛作蓬者豈有芳尊藏酖毒。果然華屋豔神仙。

外藩吉利最雄猜。坐臥高樓互市開。有盡兼金傾海去。無端奇貨挾山來。五都水旱多通卷。近來吳楚水災洋貨滯銷

羣賈雍容內乏財。祇合年年茶藥釀。換伊一一米船回。以茶葉大黃專換洋米不取奇貨計之上者也

天生靈草阿芙蓉。要與襄殮競大功。豪士萬金銷夜月。乞兒九死醉春風。粵鴉煙遍地雖乞兒亦嘆之香飛海舶關津

裕。力走天涯貨貝通。抵得蒼騰兵燹劫。半收猿鶴半沙蟲。

一酌貪泉百惑生。縱然才智了無成。外夷只識珠犀貴。廉吏須磨斧鉞行。不解烏言空聽訟。未窮蠻狀漫談兵。須知仁獸當關臥。多少豺狼總禁聲。

經生詞客兩無備。學力天才老未休。直以淵源窮馬鄭。卽論文藻亦曹劉。尙書履去絃歌在。阮官保開學海堂至今學者宗。學士輒頽俎豆脩。嘉牛農翁軍想見人心醉懿處。必逢賢吏苦遮留。粵東吏治民風稍凋惟士氣文風較前日進

新橙甘比張儀舌。香荔腴于合德肌。天與芳馨都是福。我來遼闊不同時。越王臺上雄看月。帝子峯頭靜賦詩。清遠莫笑籠中無長物。文章分得鳳皇儀。時歸裝帶有羅浮蝶蘭數十枚

展重九日。吳石華會勉士兩學博。招予遊白雲山。飲於蒲圃之雲泉山莊。時陳範川李繡子兩山長。

山莊主人段紉秋。年友儀墨農。暨學海堂諸先輩。咸集焉。吾友王雷州爲繪蒲圃雅集圖。爰繫以詩。寄呈吳會兩學博。並諸君子同作。

蒲圃之水何潺潺。虛堂壓林俯竹竿。禽言人語互相答。祇有魚夢殊艱難。左方連篴最幽絕。雲影倒地生波瀾。書畫奕棋琴瑟彈。執居無事常致歡。我友吳會兩學博。招我郭外尋秋山。云此墨農讀書處。儀墨農讀書蒲圃

主人自關詩天寬。主人段紉秋酒龍筆虎紛盤盤。壺轄一巡皆脫冠。兩詞垣長肅圭瓊。範川繡子兩五先輩者森琅玕。梁孟侯譚居五君吳喜雄談會喜默。會如香象吳青鸞。惟予不飲亦狂簡。醉鄉況味清而安。粵東風高不可攀。學希馬鄭文揚班。思深力厚取舍正。盡采蓀蕙遺榛菅。問誰闢此衆門徑。有大菩薩臨華壇。謂阮官保迄今學海堂上客。各秉絕詣窮其端。我求明珠向南海。離朱喫詬驚愚頑。崑崙第

善薩臨華壇。太夫子。迄今學海堂上客。各秉絕詣窮其端。我求明珠向南海。離朱喫詬驚愚頑。崑崙第

一未即得羊鬚首。擗綠希慳。予久慕曾勉士名。冀此番收作。有友慰予予破顏。一網難盡十丈珊。就中瑰

璋已不少。木則棟梁珍。則瓏。石華之。言如此。再傳弟子守師法。息息總與師相關。再傳弟子。子為阮宮保。務教古學不淪墜。

縱有遺賢心則殫。六先輩者神高閒。不將冬烘嘲禮官。已試未試悉慙置。亡弓得弓俱達觀。我失李程屈

方叔。未免當食停加餐。天乎何為疾疾我。使我不耐秋宵闌。予奉使行至贛州。大病。凡十餘日。至羊城。乃漸愈。銜枚時已大愈。然坐至二鼓。必昏睡。故

心輿力多。未相副也。要當真力彌滿際。或可剖石搜芳蘭。吳君嗚嗚曾君歎。平聲。復登小閣聆風湍。大聲驟雨雜琴筑。

細響天騰鳴珮環。酒餘茶後臥清簾。迥入僊境非人寰。北平題句廣陵飯。合與坡老同盤桓。覃溪先生有題句。阮宮保

督粵時常在此小憩。我乘筇將上巒。高窺龍湫下鷺灘。白雲庵頭樹裏屋。鶴舒臺畔霞為欄。平生有志泛滄海。一

望才到扶胥灣。深嗟目力有限蔽。何日看盡東瀾漫。展齒瑣瑣林攢攢。夕陽金翠催予還。酒星一散不可

聚。欲乞寫圖楊契丹。諸君有作定超勝。願我先畫穿錐干。再來之約指白水。菖蒲增節花爛斑。

大庾嶺

天南一角多梅花。梅花以外天之涯。昔人崎嶇踏雲霞。今人傳車從玉駟。誰其鑿此張子壽。誰欲塞此丞

相嘉。樓船將軍破其瑕。橫浦一入無留遮。黃蒲關在庚嶺上。張丞相未開之前。路運此。便向尋陔收輜車。伏波乃走桂陽橋。伏

由郴州黃峯嶺入。其餘遠泛西江桂。下灘水下梓柯。今西江路也。橫浦逕隘蟠脩蛇。嘉不能守覆厥家。子壽披叢闢磴道。意令

風氣通中華。二蔡登石平給笏。宋時蔡挺蔡抗兄弟。對之以石。遂使醉步無傾斜。自茲險失文則賒。南枝吐芳北枝芽。風

日晴美停馬揭。旅人羈官忘路遐。我來深秋見兩葩。喜與紅葉相交加。姮娥障邀一看月。霹靂泉畔頻煎

茶。要當花天臥香雪。此福輸與山樵誇。吁嗟乎。梅花以外非天涯。越裳雞聲如打衙。風翕山云。匡州。每南風順。聞占城雞聲如

清遠峽詩

自山足登飛泉亭

萬樹裹江水。江水影萬樹。一碧混天地。白界一沙路。帆積寺門隱。徑轉飛閣互。玉聲琅琅然。秋瀑疊輕霧。僧言凍雨後。雷轟海傾注。欲吸人影去。行者屢回顧。樵蒼與梵語。多為泉所悞。晴久自斂抑。蹇蹇出深錮。小亭坐巖竇。當夏亦寒沍。我欲窮其源。雲滑不可赴。

自飛泉亭登飛來寺

舒州無此奇。帝子忽不樂。螺旋鑿紺綠。隼背起樓閣。對面畫屏風。濃翠繞帆脚。其下瀆湟水。羅縠風婉約。清晝斷人跡。夜半有笙鶴。我盤絕磴上。層折剝蓮萼。舉頭失天宇。若被竹樹橐。揮手擲木葉。誤中高飛鵲。三休乃至頂。一顧耿相愕。竊恐南禺峯。復飛入寥廓。

道光壬辰閏秋。予使粵東。旋道出英德。小琴詞兄官於斯。例當送予出境。因題此卷。時在瀆江舟中。蕭然林下脫塵羈。各有名山各主持。記取豐干饒舌語。分明寒拾兩禪師。人閒之屋宋井古。天上之躔岷絡長。敎歷一生歸去也。在山泉水依然香。

大雪望嶧山湖

清絕一湖水。雪來改其色。四面白皚皚。但覺波影黑。平極一湖水。雪來使之高。琉璃突中心。不關風起濤。一繩南雁拍波急。驚起老魚沙上立。片帆渺渺何處投。已裹煙雲萬重溼。

潮水道中

刻露寒山雪後鋪。冷煙晴翠罩平蕪。冰花散作千林玉。旱浪搖成十頃湖。用世豈徒泝澣統。持身安得繫株拘。昨宵偶遇影纓客。索看腰閒玉鹿盧。

小梅心驛道中

忽墮畫屏裏。馬行何處通。一溪當晝雨。萬樹已涼風。久慕龍眠秀。今知鹿起雄。時平劃關隘。休說擣批功。

題陳登之廢讀圖

名父之子陳登之。虎兒書法斜川詩。公侯筵上半虛左。夕陽醉墨紅淋漓。才人讀書不祈熟。鎔液菁華滿胸腹。孤鰥坐臥深叢底。舉手一揮三百牘。阿大中郎半冠蓋。取青紫如拾艸芥。豈知東野困一第。遂使元英出三拜。長安米貴不易居。煮字不飽將煮書。入貨得郎古相如。一樣綴組懷銀魚。司空城旦乃治術。安用惠施夸五車。君不見手判坊州生杜若。二十八星笑著作。天人科第爭帖括。南華僻書束高閣。何如一行作吏猶抱經。筆硯藩溷連門庭。老胥持牘雁驚行。旁有煜煜觀書螢。

熊藩詩謝許演生

深叢老熊春脂膚。兩展其足追豐狐。一矢貫白獵者呼。截所舐掌歸珍廚。君從何處獲四扶。得非腰挾金

僕姑。誰知換羊別有書。虞戈所斫銛於戩。君書似永興此四。是以書易得者。餽我五枝紛離如。枝經肯綮纏大輻。族廬皆云臭如帑。胹之難熟泣宰夫。何術揉作龍門酥。憶我十載山居初。混淪無良虎豹都。山人縛熊如縛豬。其毛蓬蓬畏雞雉。以湯燂雞羽剔除。持以沃踏去外麤。羶脫肉出成瓠壺。皎然肥妍如瑩趺。宜著綠屨黃金絢。割雞與踏同一鑄。踏則雪絮雞紅燼。我呼廚孃踞竈觚。依法淪之姑徐徐。日午香發逮日晡。四鄰嗵嗵走韓盧。惜哉遠來風戾枯。毛已伐盡髓欲無。寥寥數樹鼎面鋪。不分申脰與曲胸。但覺湯味醇而腴。急謀山妻酒滿沾。老饕一飽據槁梧。手足躡捷筋骸舒。我聞館熊不畏羆。乃與蟲蟄同昭蘇。雞制百蟲如制帑。土受木尅良非誣。譬彼小狷伏於菟。人氣實能粉犀株。此珍來自醫無閭。不脛而走玉與珠。土垠肉芝遜其殊。吾于木瓜見苞苴。良朋厚贈雖馬車。豈若彈缺忘其魚。胸臆有法我則疏。請君更訪鼓刀屠。

題勵太守同動七世讀書堂圖

雜誦聞諸副墨。其人寫定斯堂。但識夢中周孔。不知世上金張。屋角江流如畫。讀書垂二百年。樹葉皆成文字。蠹魚也食神仙。華望由于世德。循良故是通儒。明月一珠還浦。春風萬蝶隨車。

舍後池荒蒲塞之。見燕不見水也。拔之盡三日。水復激噴。誌以詩。

積垢掩皎鏡。掩與皎相敵。鬱雲壅明月。壅乃明所惕。湛湛一沼水。莽莽乘穢穢。漣瀾日以隘。星斗失其耀。魚夢東西隔。繩語高下泄。秋窮葉易聚。春泮冰緩析。自非一旦塞。何乃十稔歷。我來昧虛照。喚力急鋤剔。

承踵若竹篴。飲刃似草壁。平剗捲敗席。深引拔銛鑷。豈惟去蒲稗。兼欲植靈蕝。陳根餒已掃。細穀靜且哲。是日好風至。摩刮光搖錫。其隕殘照入。渲染采蟠電。招友共垂釣。戒婢勿泝澣。奴云闊宜泛。稚謂深可漸。嗟哉千頃波。漫等汎濫滴。今茲鑿毛髮。昔也漏沙礫。撥雲與濯垢。眞宰在空寂。還其盪滌性。焉用再盪滌。

偕漢生侍講遊萬壽玉泉諸山口占八絕。

長楊五柞斷還連。中有明湖鏡樣圓。怪底綠波浮淺絳。樓臺影壓蔚藍天。澄流十二水壘寬。宛轉銅溝出上闌。和入春風清欲絕。玉笙微暖磬微寒。罽畫屏開黃鳥坐。琉璃風起紫鱗飛。日移塔轉金鈴語。時見儂雲落翠微。輦道清陰俯綠苔。鸞羣接翅慣飛來。香風百和熏人醉。知有宮花萬樹開。翦翦松陰楚楚山。九霞如繡水如環。五湖縱有花深處。不在千門萬戶閒。稊稻平疇渾似畫。魚蝦小市自成闌。佩瑱潯女臨流坐。草長鶯飛又一春。

同遊龍井破煙霞。

名。也。飲清風雨掖茶。

記與漢生兄同遊西湖勝處。漁者清談如目前事。

一事輸君詩句好。五雲扶出玉蘭花。漢生

入直後。曾賜遊芳巖。題咏玉蘭詩。稱賀。

隔牆欲喚孔賓唐。其奈春眠倦不勝。記否春容天語後。平揮紅日下楓槎。春浦兄曾在玉泉山召對。

厲宗伯說渡圖爲漢生同直題

中唐太液新波起。畫鷁凌龍簇金紫。千譚齊發萬葉飛。劃破玻璃半湖水。聖人端坐靈芝臺。沐日浴月雲

霞隈水馬爭銜九標至。海鼇高擁三山來。是時紅日正當午。剛卯盡鍾紛挂戶。侍臣獻罷尙書篇。詔聽鳴
 葭一聲鼓。汝南詞客眼福奇。五雲深處窮攀追。菖蒲酒綠僊樂盛。拜舞歸來懷玉卮。嗟予亦逐豹尾後。適
 持英蕩黔南走。水嬉過錦未親見。剩有輕羅拜恩久。婆娑樂神年復年。漆塗船底能爭先。聖人一笑罷其
 戲。波臣川后皆恬然。堯舜千鍾孔百斗。大禹何妨覆旨酒。禁中炎戲斷僂童。閩海紅塵辭尊首。側聞吳越
 錦繡都。亦屏散樂捐華襦。但教五綵縛苦棟。奚事百劇緣飛鳧。此圖細寫天中樂。士女如雲柳如幕。紅芙
 缺處水天寬。想見黃龍鬪青雀。

題陳迺錫先生手藁應陳堯農吉士屬

明詩掃地鍾譚出。誰挽頽風說建安。卻愛閉門陳正字。清如郊島剏如韓。
 招降功竟謝征犖。自檢新篇續舊題。筆陣不隨荆棘沒。過江猶見索征西。
 朝衣已換洪甯九。記室空嗟史道鄰。一卷谷音留閒氣。湖湘耆舊宋遺民。

李子建爲史忠正公記室。卽薛忠正衣冠者。其出處與陳君略同。

題吳梅梁京兆傳硯圖

帝選大京兆。於此通德門。循良太守雒誦孫。墨花三世香温磨。果下含飴膝上喜。手把毛錐畫池水。廉吏
 無田只耕石。呼出公才親付此。京兆詞賦傾班揚。爭看落筆中書堂。京兆直聲震朝野。多少行行避驄馬。
 作文草疏都如風。歛屢中外通昭融。問渠造詣何猛進。只在青鐵磨穿功。况傳治譜青箱中。河南第一推

吳公方當據案埽庭訟。豈意灑翰來詩筒。用錢起尹君不見鄧家硯外孫得晏家硯女婿拭何如范喬流涕受寫名臣心模祖德
模德寫心見梁武硯銘章臺走馬緩緩歸。自汲清泉滌殘墨。

題潘星齋公子蓮塘消暑圖

錦心玉兒公子。水珮風裳麗娥。應有酬花好句。吟香飛上銀河。
紈扇明時月上。玉闌憑處秋高。邂逅采蓮人過。須防果澆宮袍。
霧夕何郎得意。初陽謝客論文。班六鴛鴦驚起。都緣詩響凌雲。
臨頓園林可愛。鳳池毛羽多聲。定向柳陰續夢。手磨人鏡澄明。

詠史一律

廿八華星笑未休。如何杜若出坊州。人誇林甫真仙骨。客道何郎是鬼幽。
汲汲成狂幾司馬。羅羅相附五諸侯。納涼總愛冰山好。只恐陽烏在上頭。

秋感一首

連夕風兼雨。烏烏畫角哀。模糊收暑去。辛苦送秋來。鎖院三條燭。軍門百道雷。
捷書期早晚。天笑五雲開。

贈史荔園中丞

倪寬帶經鋤地。東坡識字耕田。怪底三秦父老。望公如望神僊。
處處杏花萼葉。行行清岷冷風。斥鹵都生梁稻。無人不頌史公。

河內方思借寇。黔中又盼來廉。公到梯田問俗。請看椽蠶織織。

題李石梧梧笙吟館圖

綠窗湘管珊瑚架。縱不吟詩亦可人。何況新篇雙跳出。萬花飛繞鳳凰身。
昔日江干挽鹿車。而今黻佩住東華。從知白蠟傳觀遍。無限魚軒拜大家。
一字師前互推許。萬書叢裏共賡酬。好憑翰墨和鳴館。壓倒簫鸞寫韻樓。

追題心餘先生攜二子遊廬山圖

公是詩流有數人。談忠說孝出天真。伊誰能賦廬山峻。歐陽有廬山高詩。只有蘇齋動鬼神。
一門仙骨拜君家。季孟元卿隸少霞。卻笑雍通梨栗後。但能舁得竹萌車。

題小紅雪樓圖

老梅清勁小梅溫。付與能詩雛誦孫。試看長安諸甲第。榜門多少奉誠園。
瘴鄉如瘴困浮家。何似藏園水木華。飽即讀書饑煮字。醉來飲水嚼梅花。

藤花蒸食一首奉春浦光祿

采采供朝食。瓊瓊摘晚花。淘將金井麪。蒸出赤城霞。芹獻深慙薄。蘭羞一笑誇。時以此食獻太夫人。不知新雨後。宮膳可曾加。

初夏激懷園卽事

送綠千章合。浮花一水回。鶯從長信囀。鹿自定昆來。閱字留僊侶。聽詩拜上才。羅門蕭寂甚。卻傍五雲開。

喜雨

聖主咨嗟上帝聞。龍星催雨下層雲。滋培焦土高低徧。泮散災黎億萬羣。南畝歡聲三輔合。西山霽色九霞分。生成一例無甘苦。試看籬邊衆草薰。

題曹傅相師三老圖

辛丑科三元榜。太傅相公天下仰。助崇德大錫殊禮。名位遠駕百僚上。班中忽聞輩行呼。得非保相德水盧。佳時吉日興莫孤。曷偕曾點歌風乎。南城種花蟲旌節。詩清文綺出冰雪。每從二相索賡和。如杜王岑鬪奇傑。我師視學河南時。正值德水瓜代期。樞垣綸閣互先後。一雙鳳皇栖一枝。我師持籜度嶺嶠。其後亦駐南城燾。歲寒老友墨緣古。送客虎溪成一笑。我師最長精力最有餘。佐機理事恢恢如。德水神慧性強記。師乃倒誦銀瓶書。南城服師詞翰妙。洪鑪一鼓出萬竅。軍書旁午日就映。搖筆尙答球鍾調。偉矣哉。文潞公富韓公。執肩隨之君。既從勳階福壽總。第一琴瑟杖履皆春風。回思綠衣少年日。玉貌照人如玉筆。五十年來一彈指。耿耿三星聚奎壁。更推辛丑已前己亥年。三神山上三神僊。吾親亦結金石契。令我展卷心茫然。山公在上等北斗。願師長進耆英酒。

近光樓消夏第一集。步祁春浦閣部韻。并柬田季高四兄。

樓上月缺復圓。樓上人耿自憐。風蕩露蓋清且妍。摩出表裏琉璃天。杜田先生玉堂僊。曉窗著書午窗眠。

文字之飲不獨酌。憑闌呼友賞澄廓。十年聚散紛在眼。此夕此杯無此樂。雲龍上下會有期。難得破暑浮瓜時。玉匣爭誇藥特健。是日賞宋拓十七帖及寶晉齋帖宮袍合鼓簫參差。田四兄就中浴鳧何太喜。昨夜新添半篙水。就中噪蟬何太急。昔日柳陰今若此。

季高四兄以試翰詹舉首超升學士尋放奉天學政文人榮遇所罕見也賦詩送其行

幾年謁帝承明廡。幾年手把種樹書。幾年洵涕伏聖室。一日作賦凌空虛。九重嗟賞動丹筆。天下傳誦奔鈔胥。遼陽帝鄉萃華裾。誰其導之成碩儒。爲師爲政本一貫。合用文黨兼相如。西風冷然催使車。高吟直過醫巫閭。隼矜博古北肅慎。弓衣繡字東扶餘。大海蕩蕩賢愉愉。歛函作岐鳴鳥呼。文武在上俗忠厚。春陵佳氣無時無。君率其徒帶經鋤。笙簧百家耽道腴。儻喜博觀拓眼界。則有羣玉瑯嬛居。儻喜射生戰禽獸。則有鷺翎金僕姑。居就美糧梁水魚。以供名流櫻筍廚。不知登高眺返照。可憶消暑僊人壺。謂近光樓紅蕖翠蓋遮不住。月躍波底如明珠。軒窗快與五雲接。風露卻共良宵徂。棋枰未冷香未渝。易忽東矣田生俱聽雞騎馬十年事。君去我來三逕蕪。予與君同直十年而共事甚少去來若相避焉我思行脚徧寰宇。未軼碣石窺元菟。予足跡而未至。關東幼安根矩相對語。是爲許君祁大夫。春浦濱生兩先生俱以扈從至盛京卽今柳老荷盡枯。送君壺輜酒滿沽。祝君學業比韓范。豈知文采追嚴徐。將軍侍郎半詞館。濡筆合繪登瀛圖。便當自署釣鼈客。一網收盡青珊瑚。

喜雨

穀雨未聞雷。田田麥甫栽。帝咨參佛去。龍喜捧雲來。得酒千花醉。逢春萬病回。滂沱一晝夜。池漲柳稭穉。

贈徐樛亭大令

一部神泉貫斗台。趙長君著詩細歷神泉。虞仲翔謂其窮陰陽之奧祕。免中詩境豁然開。徐氏為詩學者。有免中徐公傳魯詩。徐放

廣著毛詩音隱義。徐愛著毛詩音。其書與說俱佚。至先生則集四家之大成。鳴和豈特高岑調。先生五七言宗唐音。網佚真同馬鄭才。王屋山頭頻弭蓋。

天都峯頂鎮銜盃。九重方獎循良吏。看取儒門大厦材。

題郭大理畫蘭竹卷應吳大京兆屬

蘭竹書魂魄。中藏草隸精。妙香無定相。斜雨有奇聲。作者郭忠恕。珍之吳季英。石交胡可得。掩卷不勝情。

題畫

董源下筆傾前哲。汪罕工樵絕有神。劇愛孤山兩兒子。萬花如雪舞初春。

南齋老輩紛題句。臨者無端列上方。想見縑緗裁割際。昂頭高士亦傍徨。上方題詠。俱是臨本。然已為人截去。

阮宮保節相以玉印泥盒并大理石畫屏遠賜感謝成二章

采玉鍾山隈。孚勝理且勝。琢器成大圓。區蓋掩而正。琅琅四環響。切切兩規併。用以函芝泥。溫潤出華覲。

月彩拖霞液。其氣自胚孕。能助金印芒。著楮倍明瑩。朝陪姬公讀。夕對謝傅詠。如何賁陋宇。重寶來不脛。

繩窮匣既解。傳看爭揣緝。一日三摩挲。每捧必端定。雨窗無纖埃。棐几照文檠。瓊然美華帶。仰見君子性。

呂刀無此珍。郭筆不能競。心印儻在斯。笑拊拜嘉贈。

物巧不自知。大匠器使之。心影以類形。何異造化爲。摹擬與雅似。詞客忘其師。一經指撫出。宗派歧中歧。

異哉石文章。有米有黃倪。氣韻極渾古。皴染殊淋漓。蒼山洱海色。粲然明鏡披。亦有吳越峯。淺濺浮脩眉。一經指撫出。小品都瑰奇。言石石點頭。願為龍門基。

灘上載書圖

累世襲蟬冕。家無儋石寄。廉吏生孝子。孝子亦廉吏。雙親老壽去。欲卜爽塏地。藉非仁者粟。奚以庀祭器。粗衰作書賈。一棹走都肆。上瀨與下瀨。罔極萬行淚。但見虹貫月。便識先生至。負土竟成家。羅列松柏翠。葬錢取書值。清絕古無二。豈乏賄賂貨。盡卻不為利。至今東平雲。盎然詩書氣。豐碑不生金。但長苔蘚字。

謁明鞏駙馬墓作在今永定門外里許

傳言鞏侯葬。近在南郭外。華表兩僵仆。虎馬兀相對。夜深翁仲語。聽者一古檜。人憫忠節魂。樵牧戒侵害。粉侯英雄器。詩禮雜劍佩。巍峩鳳皇樓。婉孌皇八妹。胸有經史腴。大義述一再。追尊建文諡。力排趙督敗。其言雖未用。其舌今宛在。危乎甲申變。動威半駙背。貴主已前逝。子女計五輩。縛子女柩側。從容理黃帶。自拔干將鋒。一劃玉頸碎。杜門縱烈焰。生死結大塊。貞風揚其灰。巧與宮火會。故應無仙蛻。藏在石郭內。此葬竟誰屬。無乃衣冠代。惜哉碑字剝。似受斧斤疥。史藁與志異。吾欲攻諸稗。前者梅榮定。文武見梗概。同時萬太傅。率子犯賊械。與侯相輝暎。侯氣益偉邁。我遊柏冬日。肅肅下馬拜。偶及笄橋事。吾友發深慨。

同遊者梅柏言耶
中與榮定同族 歸展侯大書。素壁倒金薤。今年正月初得侯書楹帖於殿肆其文云畫眉客
夢花生筆詠聚人歸月滿樓可想見其風調也

題郭蘭石大理詩冊

醉來搖筆醒來驚。腕力心光結撰成。書自顏行出蒼秀。詩從杜律得縱橫。禁中方獎元才子。天上偏呼石曼卿。畢竟前賢無此遇。九遷三召問蒼生。

廿載郎當笑郭郎。詩天月地恣飛揚。東夷挾寶求珍翰。西蜀焚香拜講堂。四海墨花霑几席。九河情淚濕篇章。何人爲訂名山業。此冊應同瓠本藏。

題鮑馨山母謝太君課子圖

姊把金針弟簡編。九秋風雨徧鐙前。須知節母心多苦。一似蘭膏徹夜煎。漸看頭角玉堂僊。又說文章萬選錢。兒日有聞親日喜。最難增益是親年。韋家紗幔匆匆撤。鮑氏花廳步步工。五色絲言風木裏。一篇瀧表淚痕中。我亦孤惻賴母憐。折筮畫荻度霜天。而今賸有牽衣夢。哭倒青山又七年。

兩次過碧落洞皆未果遊作此追錄壬辰粵東作

碧瀾寸寸皆秋色。慕此羽容非一年。周說到難蘇說易。我今真賦到難篇。

感舊三首

畢子廉銘

火色重腫大呂聲。行文亦麗亦縱橫。詩心直接陳芳國。才氣幾同禰正平。人說疏狂多異態。我憐直諒更深情。遺篇漸逐西風散。得一毫芒盡可驚。

汪衡齋萊

鄭鄉以外無餘學。守敬而還此後身。口誦六經兼注疏。心通九變貫天人。靈臺大衍參相訂。以優貢入都。與脩天文志。海島重差一再伸。受河督聘。至河工測量。每到清風憶元度。秀髭玉頰最丰神。

凌仲子先生廷堪

論史滔滔傾俗耳。窮經娓娓動天心。禮經難讀偏能讀。古樂誰尋塊獨尋。鞏悅六朝花十色。秣稊兩宋帶千金。一瓢許酌滄江水。記得山堂語夜深。

卽事一絕

荷澀雨纖珠疊疊。柳長風軟綫搓搓。窺魚白鷺先藏影。避雀蒼螭屢易柯。

題劉默園觀察乘潮圖

靈胥欲就海若戲。素車白馬橫江來。豈知篷背倚曾閔。單身折入銀山堆。海童驚呼御鷗掠。雙足躡人如踏鱗。萊衣拜親親歎絕。攜得江波兩衫袖。忠信錯軀行水中。瞿塘忽近綠庾公。孝子跬步無死地。何況高堂禱佛聲。隆隆我渡胥江在秋杪。幾被枚乘筆頭掃。歸來談虎詫奇變。月白雷青天地曉。

蕉雲二兄以盆桂見餉。作此奉謝。

誰將月窟閩浮影。送入江南舶趁風。贈我兩株猶旖旎。環君八樹正玲瓏。潞亭蜂蝶隨香至。寶藏雲泉與夢通。聞道公餘親課士。崑山片玉在堂東。

題王覺斯爲宋雨恭續枯蘭復生圖

蘭枯不生蘭自昌。蘭枯復生蘭更芳。東風駐世長不死。但有歲月無滄桑。識時務者推文康。首議廟諡尊
思皇。薦賢薄賦二三策。口講手畫身琅琅。堯仁舜智領其請。浩乎仁氣春飛揚。宜其子姓聯冠裳。園林艸
木爭輝光。根荄九地飽雨露。華葉一夕回風霜。燕山夢醒聞國香。酒酣磅礴烏衣王。縱橫沈著各有態。直
以艸聖兼詩狂。丹青果屬右丞相。名德仍作中書郎。吁嗟乎名德仍作中書郎。所南子固徒悲傷。

送向三賢弟歸里並呈東壁賢弟

家學卿雲麗。才名庾鮑新。道深虛折己。氣靜藹親人。風雪侵歸袖。賓朋繞墊巾。鵠原相聚處。輒語話艱辛。
不索胡奴米。須依仲寶蓮。舊香猶裊裊。瘦鶴愈翩翩。萬感門材後。千秋几研前。機雲應入洛。看取著先鞭。

沁芳叔外舅五十壽

金家香街門庭貴。第五才名少小誇。燕賞新篇飛墨雨。指揮能事落天花。杜句云。指揮能事回天地。唐句
拈此調之。故一。封肉已通神理。三折肱能拔結癥。見說隆冬松轉茂。南枝郢樹鬪橫斜。

題汪受之處士義烈事。應寫園同年屬。

弟返餘僂蛻。兄歸亦國殤。有膚成刻劃。其血灑元黃。賊創避三舍。君威藩一鄉。至今風雨夜。甲馬繞張塘。
奪弟出重圍。兄呼弟不知。直教魂共語。依舊手相持。保障烏聊接。聯鷲馬革危。文孫青史筆。雪涕補遺碑。

臺花圖卷爲沈聽篁編修題

蔗坡竹嶼兵氛靖。賢守排衙對天鏡。東風一夕萬花開。不管人間醉司命。當時除夕萬花齊放綠衣公子裁錦箋。惜春御史催花筵。不須翦綵貼奇樹。自有頃刻爭神仙。萬家爆竹雷闐闐。花光紅徧東南天。詩成畫畢流膿馥。波瀾直到雞林前。即今將帥乘雪夜。桐鏡到處壺漿迓。時臺灣正用兵已得勝仗合歡釀熟送年光。定有秋花壓春架。番人以黍熟釀酒合歡為年

阿文勤五使高麗圖。題者徧一時卿相。內有德文恭題一冊。煦齋師見之。以為家寶。遂書一冊易之。師。文恭猶子也。

文恭詩翰真吉光。天敕六丁下取將。大阮琴聲小阮識。片紙隻字俱收藏。文勤數使西蓋馬。欲拚對盧作羣雅。名卿上相盡有詩。一卷牛腰走都下。文恭題句明珠編。我師讀之喜欲顛。急書一冊易其寶。神妙直壓王羊前。況師龍節履咸鏡。玉兒宮袍發高詠。乞詩乞札徧東國。後月前潮兩輝映。文恭手澤欣弓還。我師寶翰增舊觀。誰歟彙作鳳墅帖。副墨海外兼名山。鳳墅帖乃曾宏父所集多一時名卿賢相

漸冉

漸冉春如許。輕寒勒不歸。風隨錫笛轉。月傍紙鸞飛。奇石無一語。喬松今十圍。九衢鐙火夜。衰病夢魂非。

春寒

沿雪弄沈沈。林煙又闌陰。勒回春雉口。寒到蟄蟲心。欹枕人人靜。焚香牖牖深。輪蹄如水去。容得幾閒吟。

枕如曲

欸如四鼓華堂開。玉簫金管仍分排。殘羹釘座椽燭灰。美人強曳羅裾來。欲彈不彈箏柱哀。欲飲不飲玉山頽。不敢臨鏡雙徘徊。頰漸全褪紅玫瑰。四座鼯臥聲春雷。觀者且舞且卻回。明日落花紅作堆。

雨後聞鶯

花外雨絲晴。樓西過玉笙。不憑鸚鵡舌。自得鳳皇聲。順耳珠珠轉。乘時瑣瑣鳴。儻教桑豔熟。拚使柳枝傾。

殘月吟癸巳四月望後作

黑者古鏡白者鉤。欲墮不墮天西頭。山河影缺桂花小。歸妹霽瀉目眇眇。衆星的皦各爭光。何況長庚菲如埽。埽月月已殘。雞鳴烏噪銀河漣。朱樓采伴拜夜闌。尙祝三五明團圓。

有馴者鹿四章章八句

有馴者鹿。躡艸飲流。其臥衍衍。其行儻儻。風雨如晦。或見或不。意其曷往。乃潛灌蕭。狎人循闥。雙觥嶷月。疾呼弗叱。如石聿兀。何斯妄游。豈爲飢渴。忽被大創。偃仆水側。旅麗其性。背羣斯慎。得食不呼。孰甚其儼。舍安就阼。孰止其前。禍樞昧蹈。孰穀其旋。艸生叢叢。有來其風。翳疾入林。厥聲蓬蓬。圍人乃夢。鹿由隍中。謂予不信。往求瓜縱。

祁幼章孝廉贈詩盛稱園居之樂卽步元韻奉荅兼示令兄春浦閣學

宮壺雨露三辰酒。扇枕兒郎儲一斗。太君堂上會姻戚。自卯衍衍直到酉。紗廚靜愛槐楸合。水檻涼看鳧鴈醜。是時仙官初退直。西母正憑朱鳥牖。園居屢動九重問。佛樹何妨三宿久。況當新雨生衆綠。已見銀

塘發紅蕖。母曰。毋久溷汝爲。汝其勤慎報恩厚。不離跬步。阿奴在。進退渾如左右手。君家昆季可謂孝。譽滿京華。萬人口。機雲自是文章伯。軾轍奚殊直諒友。樹頭啞啞返哺鳥。室內媿媿乳姑婦。新居堂廡極華潔。不似藤廳漸傾朽。我傍山坳縛荻障。風雨漂搖聊且苟。昔年亦奉板輿至。彈指斜陽感衰柳。西鄰君況我所敬。功名屨屣不先後。君才英特我所拜。行見長風萬里走。每當朗月憶元度。俯仰抑讓相人偶。爾來瓢棄謝酒徒。坐臥禪關一鏡守。太君興發忽來止。君定揚眉撫馬首。平鋪紅雲蓋明鏡。鏡中天地君知否。不然往喫茅容饌。看取盆池集瓠瓠。君新居有小池。

謝人惠新會橙

嶺南二果天下奇。粵惟新橙鮮荔支。荔如好女澡秋月。雪白花紅沁肌骨。橙如名士中粹溫。美言悅耳香悅魂。我坐炎雲倍惆悵。荔已曝乾橙未上。妙才異地不同時。夢寐芳馨曾見之。風吹削柿斂虛膈。漉漉黃苞覆沾手。冰霜遜冷蜜遜甘。腴而不膩清而酣。潤回太真三伏渴。療得相如十年渴。何當酒醒帕羅開。玉人纖指親拈來。可憐萬里得此果。擲向潘懷奚不可。神奇腐敗同一車。大摘小揀青霜餘。天家不貴紅塵騎。橘叟木奴沿故事。拚將俊味押網茶。豈無相公忠孝家。熊魚並好應嘲我。尙憶紅雲三百顆。

程侍郎遺集初編卷五

道光十有四年十一月初三日奉命敬詣西陵查工出都門口占。

修飭珠工歲有程略如鳥象助芸耕深慚五雉司工正安用雙騶妮騎兵時單車就道南陌霜沙虛點綴西山

雲雪各光明恭聞玉殿多甘露先向松楸驗發生。

初五日宿公輸廟口占

小寺明窗底。燈光迫晚冬。遙鐘墮虛枕。寒月倚高峯。衲野無禪意。花幽有醉容。五雲來不遠。其下萬株松。

初六日夜不寐

愧讀冬官記。經營喚奈何。國工殷爾少。林木液構多。未講恆沙算。先繩舊築謬。運斤防斲小。況乃見偏頗。

易水感田光事

漏言污卻田生耳。田生到頸徇公子。豈容客復知其事。更聚白衣送易水。奚啻揚言告秦矣。嗚呼始謀不臧。乃若此。寒風蕭蕭。筑聲哀哀。白虹黃日。蒼鷹徘徊。荆卿一足廢。武陽如死灰。開門坐待秦師來。何如烏頭不白馬不角。匕首不入國不削。再訪高賢比劇樂。

大費山感王彭祖事

八千妻女沈中易。十百生徒竄大費。有婦堪陪石甯坐。此身窈入棗囊盛。

涑水道中

亭午無人指路訛。強披蓁莽踏冰過。山光西到飛狐口。水勢東趨拒馬河。此日村姬馱細馬。當年邊將枕雕戈。沈沙無限英雄魄。怪底顛風撼怒柯。

喜將晤奎總戎先此致意

濟美文章貴。沈機武略宜。威名周召虎。雅對漢虞延。兼管陵工故云。畫角昇平曲。青鐙大度篇。滿腔詩禮氣。髣髴望如僊。

昨掃師門席。今登易水臺。祇瞻松柏路。憑仗棟梁材。歲修等工有歸管陵大臣辦理者。三載停雲想。雙騎送酒來。詰朝鞍作几。隨意坐莓苔。

祇謁秦陵秦東陵昌陵恭紀

薄海人心肅。恭惟憲廟朝。孫神繩祖武。任德啓文昭。銀漢雙流迴。後拒馬河前易水。丹山萬仞遙。萬仞山名。墟與家所謂來龍也。雄關通月窟。華蓋倚霞標。龍虎盤終古。精靈守大宵。方中殊儉素。斥土儘嵒嶮。初日懸金殿。輕冰抱玉橋。烏耘伸九叩。雉正董羣僚。驗樹皆甘露。披沙盡寶苗。畏神兼服教。弓劍在晴霄。

徐無山懷田議郎

白檀東逕柳城分。卷甲趨風敵不聞。怪底田郎作前導。阿瞞猶署漢將軍。漢賊萌芽鼎未遷。子春早天亦翛然。若非空器苟文若。定作東溟魯仲連。

公孫樓上無行跡。袁紹孟前失酒痕。只有劉虞真死友。西風鬼語到黃昏。

桃屯北距涿州二十五里。有桃萬萬株。

沙壤宜嘉果。桃栽萬萬株。春紅繡天地。秋碧飽京都。禾黍偏勞助。輪蹄莫漫驅。年年風日美。誰佩紫微壺。

桃之外梨亦夥。云鴉兒梨。出此也。

旅壁有詩道關隘之險者。作此正告之。

入蜀青輶店。通燕黑樹林。奇兵須向導。捷徑獨探尋。劍閣奚堪據。軍都有底深。儻推無外旨。空費史臣心。
鉦夫少馬前輩。招同李芝齡少宰。何仙槎大空。史荔園少馬。潘芸閣臺長。極樂寺賞牡丹。作此奉謝。
數叢深色十數枝。竹閒水際參分畦。風露不與人工齊。詭花之富僧自語。錦幕雕闌昔何許。舉袖猶作傾城舞。暖風融盡燕支山。綠陰幽鳥深掩關。動地珂馬車班班。從來賞芳兼賞葉。如水如雲門窗溼。柳絮成團裏蝴蝶。僧劬供花爛供佛。佛亦眠香極樂國。目送飛觥集芳月。修竹請客鸚窺園。自午逮申言笑喧。莫遣蜀茶來叩門。

九邊

星鐔一指九邊收。何止燕雲十六州。鐵勒南來皆屬國。大宛西去半通侯。渠彌有賭魚龍睡。甌脫無烽虎豹秋。自古得人亭障治。長城萬里要深謀。

逝水

逝水滔滔萬事徂。可堪志士日愁呼。更深月落星難替。春老芝焚蕙亦枯。應劫豫且能結網。乘時象罔竟求珠。長鐔短筆精神在。只恐輕提付淺夫。

乙未春闈至公堂知貢舉作

俊乂四海萃。曰惟七千強。其學有馬鄭。其文有班揚。不乃命世才。借人爲梯枕。不乃福無果。其文無短長。皆入龍門來。翦拂登朝堂。古槐閱客多。亭亭覆中央。夜燭搖月輝。七千人心光。愛士士易驕。試士士不靜。藐茲三尺法。難齊萬人性。豈無越畔戒。亦有挾書令。方聞自苟敎。小已懷詭競。膠膠復擾擾。直欲反視聽。道修而經明。其本主一敬。日習孔孟語。胡爲坦率行。矮屋平旦氣。宜思國恩盛。八面可受敵。應舉亦何有。誰剋速化術。棄書等芻狗。不求文義深。祇務揣摩久。宦達昧古今。見與吏胥偶。于經識訓詁。于史得綱紐。其文縱未博。其學已可守。作者與知者。如以杵投臼。繆種倘流傳。朝廷亦顏厚。汲井取新水。滌釜試新粥。水香解春癘。粥熟果朝腹。削版若砥平。且臥且書牘。經營一不當。懷中轉車轂。萬緒紛乘來。脣焦舌瑟縮。恐誤公期程。難卹衆怨讟。夜深煎茗坐。朋勸可歸宿。忽聞衝飈發。欲捲卑棲屋。傍徨遂達旦。巡簷看風燭。

風簾短檠火。歷歷十二宵。敢忘昔苦辛。約束紛科條。皺眉對先輩。近者何囂囂。大弓不受檄。翻反任其弔。憶我鵠立時。官廳吏訶譙。檢身守令甲。遂志窮鑄雕。彈指廿五年。師門日蕭寥。殘牙怯餅餠。秃筆無瓊瑤。儻使促坐試。定煩墨汁澆。此席已不稱。況乃冬烘嘲。

聞趙城警

城郭沿汾踞一灣。傳聞有盜起榛菅。何緣突過韓侯嶺。莫使潛逃霍太山。猾吏野心窺肘掖。老兵控目枕刀環。王師不費澆螢力。第一須求破柱姦。絳帕焚香多伏處。白丸入手漸橫行。深憐上地爲儒禍。豈料忠宣闔戶兵。帝賜九河滿苦淚。天留一廟鎮孤城。卽今豈少鷹鷂志。須以卑飛寓擊征。

至公堂卽事

整整華樓踐斗魁。高懸天秤此量才。西山樹色爭春遠。東塔鈴聲入夜來。雲鎖碧連煎茗院。日斜紅上候星臺。風簷四度辛劬甚。且凭朱欄酬一盃。

三月廿五日朱卷掃數送內簾至公堂無事矣塊然獨坐作此遣興

春光溶漾花撲天。九衢車馬朝喧闐。閉門有客坐無事。但惜春去心茫然。文章五色煥龍首。評者滿堂出一口。闔門有客不敢詢。卻送星罈上牛斗。十本進呈由至公堂我居四角槃中央。宛若守寂依禪房。煎茶午炎試水味。攤卷夜坐娛鐙光。竽箴聒耳啓閉節。兩頭纖纖盼新月。待看神駿送金泥。亦復歡如出籠鶴。

題從軍圖

五千兵禦五萬兵。以勇以略皆飛行。大將談笑風雲生。諸將驚定還暗驚。卻顧行軍老司馬。顏色不變殊淵雅。問之何術可不思。胸有六韜金版也。秦蜀古道通猿獠。雪花洗戟風洗刀。秀眉玉兒眞人豪。飛書羽

章用枚皋。後來凱捷帝其喜。韓范勳名從此起。關西節度持虎節。傳箭直到天山壘。憶昨把酒論將才。公言不測同晴雷。聚米山川要自畫。成城志氣誰能摧。從來貴精不貴衆。一失機勢衆何用。無謀無導務輕進。坐見元戎斷鞭鞞。於戲多算勝者得其雄。三軍不敵羽扇風。何況蠕蠕子子紛沙蟲。

送張石州歸里

空谷隘知見。北遊恣所學。學成被放歸。不乃名所剝。名食千載後。鬻火塊獨覺。當其困憊際。如鬪去其角。公然一第艱。年富志方卓。拙目蚊且歎。無亦道太覈。詎知鶻兮手。文錦薦美珥。西來佇好語。中霍鳴鶻鷹。經訓貴門逕。博覽歧中歧。會歧入經衢。非博焉所施。君慧涉萬卷。如登高視卑。剝淺遂深。守信尤勇疑。書缺等斷潢。其旁有神師。冥心俟前古。所遺皆嶽奇。經明學既通。出處會有時。

小學貫羣籍。喜子通不執。六經皆勃宰。麟筆尤所急。妙悟恆證聖。匪鑿匪重襲。餘事及詞翰。秦漢藻羅香。文成思則綺。篆罷墨猶溼。近志九容奧。欲使四元立。門水卻西流。聞響當闖入。

君祖授我嚴。獎誨若子姓。君嚴我同譜。欣契挫其敬。交誼六十載。詫君獨也正。逸氣陵參墟。清盼徹水鏡。

朱邱延不赴。惠邱君名懸榻以待者三年卒辭不就書窟臥以詠。記衰苦多誤。君去誰予諍。解瓶私自喜。君去誰予證。單車

太行脊。況乃朔風勁。古屋環水石。積卷帶鐙檠。賴有祜黃羊。犯雪遠相迎。春浦學士時讀禮在籍

題潘芝軒相國金帶圍圖

公爲天下才。花爲天下瑞。奚論甥館比鄰地。東南出相東南花。扶桑日升海宇霞。黃茵慶雲雨際會。朝官

野老同詠嗟。幾人鼎魁作丞相。少已安排老尤壯。芙蓉鏡閱四十年。芍藥階高歷級上。廣陵異種古所稀。以紅作腰金作圍。公歸養久在吳會。天於吳會開其機。不然巍科騰仕接踵有。惟忠惟孝爲難幾。和風甘雨人所祈。百穀草木生光暉。昔者四花應四客。今亦連開照瑤席。公家公望各端倪。合有傳公金帶赤。

道光乙未冬日海驥前輩典試江南歸出癸巳夏放牧太僕寺牧廠居庸題壁圖索句

先生相士江南歸。龍文虎脊紛追隨。酒酣掃壁施聖帚。句滿江山字如斗。回憶壯遊過雲州。五花款段千驂驅。邊日蒼黃邊月白。點筆雄關試煙墨。儀鞵帛口都入吟。支公章諷真苦心。攬其英俊拚其雅。從來相士如相馬。從來相馬如相人。請看一顧空其羣。

爲煦齋師題趙松雪蘭亭十三跋真蹟殘本

右軍鬼入榮祿腕。天欲一火焚其真。師于王趙爲替人。雖火其跡存其神。六丁取去定無恙。半在人閒半天上。丹霞燒月色愈皎。赤舌焦桐聲益壯。從來奇蹟與異才。往往墮劫遭風露。紀信孤忠伯姬節。萬人淚灑洪隴灰。君不見昭陵蠶紙踞龍虎。鴻爪雪泥留定武。明珠錯落十三跋。待闡王孫用心苦。我師精寫還奔藏。佇見歸舫騰虹光。豈知寶玉三日爨。真宰上訴天蒼茫。誰摹繹山垂琳瑯。妙哉響拓傳磬黃。公孫弟子舞劍器。波瀾莫二神揚揚。吁嗟乎。波瀾莫二神揚揚。何止買王誇得羊。

追題吳南溪先生夢遊黃山圖

三天樹石清而蒼。水環老屋書環牀。直廬退食恣晚步。落日遙見西山黃。綠窗朱戶自天上。茅厂竹籬非

故鄉秋來對月歸思長。一夕夢繞秋雲涼。讀書咫尺悵未到。遊宦千里心茫茫。天都蓮花路險絕。飛鳥斂翼猿揉僵。孰居無事推行是。尻輪神馬紛翱翔。七十二峯題欲遍。墨花飛處松風香。先生峻節垂諫章。衆山一覽如平岡。胸中雲海盪無際。自然逸氣排天闡。幻思臆想乃實境。奚俟形謀成其光。我生五嶽見其四。未得一浴靈砂湯。每朝把卷趨書堂。落日亦見西山黃。昨宵偶展夢遊卷。仰止嚮往殊傍徨。神鴉樂鳥倘予竝。便策竹仗餐松肪。真耶夢耶不可詳。請隨赤松張子房。先生作此夢時在上書房直廬。予題此圖亦在上書房直廬。故詩從三天敘入。

題錢舜舉梨花卷子

習懶庵中半醉時。舜舉有習懶庵。每晝須半醉時乃佳。戲拈瓊管寫瑤姿。六陵煙樹春來否。寒食東風夢折枝。舜舉爲宋遺老。故云云。

玉兒風貌雪兒姿。薄粉慵妝小立時。萬蝶分香渾不管。溶溶好月左橫枝。萬紅狼藉蝶分香。舜舉句也。

酤酒花前雪壓枝。王孫佳句稱清姿。人間不少瀛洲雨。粉墨飄零又一時。趙承旨題錢舜舉著色梨花詩云。繁枝壓雪凌風塵。又云。與君

酤酒花前歌。可見舜舉梨花。不止此卷。特不知猶在人間世否。

春堂前輩令嗣孝廉計偕來京以卷索題

筵畔忽歌驪。無端出餞遲。難乘千里興。彌助十年思。重席談經口。雙柑斗酒詩。都將風月筆。付與稱家兒。邂逅稱家兒。長安望杏時。雲霞黃菌瑞。冰雪古松姿。合采長生藥。應刊絕妙辭。叱羊隨子去。吾意欲東之。

喜雨二月十八日

鬱鬱黃雲捲暮沙。喧喧急雨掛簷牙。風圍數市翼軫月。雪壓滿山桃李花。收拾癘疴歸溟滓。寵光牟麥出

萌芽。新花早葉愁炎曠。輸與濃陰作歲華。

看春口號

東風用一力。樹樹爭天斜。誰登五雲上。看遍九州花。

煦齋夫子以文孫申甫入詞館紀恩詩見示敬賡原韻。

深宵吉繆語匆匆。見公詩又見文孫入轂中。天鑒忠忱增世祿。聖知詞學是家風。一門彩筆千宵豔。累代

宮花壓帽紅。說土肉甘真食報。故應萬口頌山公。

數到花輒第六賢。自文恭公至申甫世詩才賦口總仙仙。星辰履向尙書接。文恭公日月文從宰相傳。瓌

纈皆僂大手筆。玉庭先生籍咸同詠短檠篇。時芝圃侍講率申甫東山此樂超絲竹。滿目春光引鶴年。

徐廉峯仁弟詩律精密才筆華整得唐賢三昧頃以問詩圖相屬因取問唐賢意仿遣山絕句奉荅。

略舉數端罍漏正不少也。

頽波橫制掃齊梁。合著黃金鑄子昂。爲問宣陽文百軸。何緣續以慶雲章。

宣城高詠聞牛渚。崔顥清詩在鶴樓。爲問天才李供奉。等閒摹擬鳳皇遊。

少陵無體不雄奇。韓子精神托古詩。爲問南山綠底作。可能無愧北征辭。

賦才雄果合低頭。無本相隨逐未休。爲問坡仙與元子。漫勞辛苦謗詩囚。

儲韋雅淡得天然。各體精能數輞川。爲問高人誰比似。清詩句句盡堪傳。

扁舟清畫工摹擬。五字韋郎乏賞音。爲問微鐘坐來歇。奚勞求應不弦琴。
賞花新井本傳謔。內寵虞箴烟戒多。爲問司勛街子報。卻將輕豔詆維摩。
探源屈宋奇而豔。古錦嘔心在謬悠。爲問少加名理處。幾何不讓棗強劉。
樊川俊逸飛卿麗。暮氣詞壇拔幟登。爲問微之翊風教。緣何抑瓠獎邨疑。
井泥博辨韓碑奧。疑杜疑韓不可詳。爲問藩籬窺得後。可容承旨復升堂。
不書姓氏識文房。少伯思清庶可方。爲問偏師攻得否。只堪佳句敵錢郎。
高歌金石留書篋。狂筆雷霆走雪車。爲問杜韓何嘆賞。左肅白跖右劉叉。
武功焉可配君虞。絕倒張爲主客圖。爲問黎神胡異趣。餘波卻遣四靈滯。
鼎邊喜服環相拜。灰裏陰何撥欲焦。爲問幼文辭絕妙。何因遍訪北山樵。

自題明星戒旦圖

睽睽明星照我北堂。我母不寐。曙寒如傷。我省北堂。卿饋醢漿。今母何在。索母無所。獨與卿處。明發自闕。眷懷夜氣。夜氣若何。夢母婆娑。

明星庚庚。我趨未央。寮窠我晒。昨候三商。道光壬午冬日成室時。在內廷傳直未請假也。君恩大賚。母拜母喜。曰弄其餘。界我女

子子。母以女畜她。常呼爲女。我剛而誕。卿曰非宜。大直若誣。道固委蛇。去天咫尺。子其敬哉。謂余不信。明星體體。

明星焯矣。日載暎矣。母曰昭昭。請視息宴。凡百慢心。萌于不見。庇家有政。可移於官。眉睫之際。大賢所難。

報親已矣。報君邇矣。前路浩浩。涉淵水矣。天下有道。我戴子佩。與子偕老。

白小山尚書以狝掌見餉。蓋一掌一蹻也。詩以謝之。

右手持酒尊。左足躡屐齒。枕榔林中月如水。不勝盃勺枕石眠。分其一肢值萬錢。尚書待雪香山社。正剖
駝峯裹龍鮮。德之休明致遠物。直自南交走都下。其音妙麗性好啼。掌能拱揖能提攜。想當握手舉肥際。
擗拳見血言酸悽。籠中惟僕及酒耳。此語已感黃封谿。卽今僅見胼胝跡。只合金鏃煮銀液。可羹可載苟
況知。奚必女脣甘似蜜。腥唇爲上珍。尚書餽我勸我餐。我攬其指驚相看。探囊合出昌谷錦。擲米應向麻姑壇。
廚孃皺眉欲削難。有懶其手熊之蹻。歲方晏。冬且暝。招朋儕。洗玉甕。乳蒸酥裏遜此味。一瓣春風敵三盞。
更縛珍毛配斑管。送與尚書書古簡。

青鏡有味圖爲曹太傅師作

寫此青鏡味。時當孺慕天。

公前序作子丁巳年

尚書親講授。星使屢回旋。寢饋五千卷。飛騰三十年。秋堂風露好。瘳

繞短檠邊。

赤子心常在。由來面目真。佛光初祖地。相業讀書人。炳燭沈麟士。通經井大春。醞醞良有味。背誦口紛綸。
老年書味減。欲讀苦遺忘。公有記珠在。皎如初日光。公八句強識如少壯時。九天藜火碧。五夜菜根香。清靜黃扉裏。
依然舊講堂。

高文才八斗。巧對壁雙聯。焯掌懷三五。傳鏡徧大千。公門下士編天下。詩書真可恃。虹月至今懸。何以蒼明主。每

朝猶百篇

遊寶藏寺清涼厂

兩峯忽破處。一榭明以敞。虛無盡齊一。萬綠與天盪。高樓出頭角。圓水畫盆盎。塔影墮煙細。城齒齧雲上。九重連萬井。五色日晃眼。慶霄龍虎氣。人定自來往。天苑幾處羅。瓊樹夾金榜。靈風山背至。盛夏萃森爽。雪泉與月夕。清境勞夢想。誰將千里目。舒卷一指掌。憑高豈不快。望遠失之悅。見牛不見睫。離朱同象罔。三歎返幽寂。鐘魚正交響。

三月廿二日奉命詣靜明園龍神廟謝雨敬紀八韻

聖主祈甘雨。川祇護醴泉。慈雲隨念至。靈液應時宣。麥翠三農慶。花紅萬井妍。趨公搖佩急。銜命獻香虔。廟貌山腰迴。牆陰水脈圓。周迴鳩鵲觀。清切濯龍淵。樹色深春後。煙光半霽前。歸鞍尤愜賞。活活滿新田。

送韓珠船侍御歸覲

博羅韓侯冰玉姿。工詩善繪能文詞。炯如秋隼立太華。骨瘦氣俊神嶽峩。白馬上章動帝咨。神羊識字逢清時。會看金紫拾芥得。卻道歸夢連環持。自別庭闈廿數載。大母含飴二親待。從來愛日珍如璧。惜寸惜分金不買。上公華衰水蒼珮。不及兒嬰伯俞采。延齡益算何物奇。遊子歸來壽人愷。春風料理書畫舟。萬花紅到天南頭。望雲一日近一日。餞酒三酬還三酬。旗常鍾鼎君自有。存經一通常在手。杜世閒豈少絕裾人。逢著何蕃便搔首。

憶春

鈿轂金鞍競五都。衣香鬢影仿三吳。海棠庭院春如繡。燕子年光雨似酥。畫裏遊絲難捉搦。夢中佳句半模糊。誰憐讀易局屏客。看取蕪菁繞砌鋪。

丙申三月下泚。邀陳雪圃先生。俞理初。黃香鐵。溫雲心。孫柳君。諸君。集棗花寺。看牡丹。分韻得寺字。

袍罕其頤洛鄆粹。江關百變尤殊異。竭來一抹姁娥面。偶見海雲紅照地。海雲紅紫牡丹也。寺中皆粉紅。惟有魏紫一叢。七寶不

欄錦不幙。風焦日剝粉題瘁。可憐文譙蕭寥甚。花亦包羞不能媚。金車塵壒瓦鼓鬧。息媯無言玉奴睡。不

有夢中傳彩筆。誰喚花魂拭花淚。雅材博學抗希古。麗句清辭各名世。坐客皆真異才。淵淵浩浩杳難測。相對渾

如不識字。偶然談劇露鱗爪。一啖吹來萬夫避。漫將何肉惱法喜。卻具伊蒲溷香積。有芳奚待正封咏。無

酒不令陶公醉。迷哉貞觀逮今日。幾飾丹霞幾傾壓。何況花光草露跡。一利羅頃琉璃器。試看諸老牛腰

卷。更說僊人親手植。謂紅杏青松卷及丁香詩碑。南能文字果持久。東海揚塵非所議。詞源心印屬五客。走亦籠東驅

下駟。綠陰啼鳥日轉午。紅香叢蝶春已季。祇愁孟嬃起蘋末。復盼春龍渥芳意。時正緒風且訪芍藥榮。後

約斯烹善筍概。豐臺極樂俱在遠。有興仍尋棗花寺。

題鎮北主政秋鐙課讀圖

剪刀聲急書聲苦。窗外秋聲又風雨。兒飢母倦不肯休。心念哀哀九原父。母經通貫傳與箋。兒經背誦傾流泉。一鐙如豆眼如月。老屋荒江年復年。懿哉吾叔果英發。敏捷文章貢金闕。春風一騎報鄉里。堂上太

君未華髮鄰翁鄰媪話昔初。不負折筭親課書。了了雙角母喜否。今已爲郎爲大夫。母言科目兒固有。願得高名挂星斗。也曾口授范滂傳。亦頗心希仲野母。卽今官暇萬卷開。千辟萬灌成奇才。問罷起居問經義。潞河水滿安爐來。時太夫人將就養入都

穀雨後四日奉攀芝齡少宰仙槎大空。鈺夫少馬。芸閣臺長。小集國花堂。賞海棠。少宰以佳句見貽。

次韻

草具羅三白。林妝合五家。掃除青豆舍。枕藉赤城霞。小酌金尊凸。高談玉麈斜。好憑天上管。來染夜深花。春色遠如許。難禁蜂蝶狂。禪關扃采伴。芳國拜詩王。前輩餘壇坫。清時有豆觴。畏吾村畔路。還爲落花忙。

縫仔玉印詩

截肪方寸腴可餐。繆篆烏頭紛屈盤。日華暎雪愁燴滫。點朱入肉紅而殷。縫仔妾趙文四言。縷衣爲縫稱去聲。婦官亦云健。攸紓舒安。大當以下推崇班。漢武帝制中宮以下卽健仔爲貴。天水一姓三其鬢。趙氏位健仔凡三一鉤戈夫人一宜主一合德

鉤弋高居堯母門。雙燕飛啄倉琅根。若云拳握玉鉤闌。得無纖指親控搏。金霞帳底月始圓。得無擊此掌

中看。夜光珠照膚體寒。得無珮此來珊瑚。可憐姊妹承恩歡。父馮萬金非趙曼。何如望氣求河閒。奇女子

有黃雲漫。時無昭儀位尤尊。金章紫綬同賜頒。鉤弋時健仔最尊至元帝始設昭儀位在健仔上。此紐文采鴛鴦蟠。叩鴛無語深

可歎。鴛鴦自有分明語見唐人小說。尋其流傳自冰山。據李竹懶記此印嚴東樓曾寶之冰山餘乃籍嚴氏譜也。亦弄墨林紫桃軒。墨林所藏後歸竹懶。比來歸

雙復歸潘。潘德輿。日千按拳百循環。媚虹嫵月秋霄干。想當印信初封完。嬋娟煙視花破顏。無論錦帶誰

曠刈總貯金屋珠奩端三千年來數梁園梁王后屬見印譜此尤芬逸夸季蘭願將紫泥印千緡豔呼官氏留人

顧南雅畫梅爲何子貞題

篆籀爲花艸隸枝能將八法變恢奇林逋老去圖佳婦摩詰生前定畫師大有精神向晴昊可無題詠映當時參橫月落寥寥夜消得何郎絕妙詩

丙申七月七日攜酒食就友石同年宅奉邀吳荷屋徐星伯兩前輩溫雲心同年各攜書畫會看荷

屋有詩因答其意

七月七日宜曝書東鄰竿曳貂襜褕西鄰遂啓長康廚標綾碧鸞錦擣菹蔡經家有狡獪珠輦珍鬪之溫與徐長髯秀目延陵吳似米不顛倪不迂藏弄精贖東南無亦攜踐玉籤珊瑚免中徐公今漢儒手繪泐澤昆侖城星伯前輩經術湛深尤精西域地理袖易瓠本稱宋初是日攜宋槩飛卿闌雅清而靡欲觀北苑當從吾雲心同年藏有北苑真跡須款門看之蔡侯一一自卷舒每發高論先大呼友石同年收藏富九經三史誰則儲鑒藏家以張吳顧

有唐宋元來于于書訣喜見龍蛇據畫禪靜對煙雲鋪或徵古制瞿與觚知人論世訂史誣晴虹出笈光照廬興酣談鋒敵兩都評書讀畫豈俗夫昔有妮古歐陽蘇攷其政事皆偉如何曾越越轅下駒掬魚反兩叫鼻盧左提安陵右閭胥引之雅筵輒嘖嘖曷若守此千金壺以較博奕猶賢乎我珍敵帚懷瓊珠徒以耳鑒知其麤秋光似水雲似練銀河倒浸新蟾蜍滿堂欣然酌市沽臥遊何處非五湖穿針樓下走白

魚。今我得見秋山圖。陶秀實因秘閣曝書得見秋山圖引黃筌評之。公詩天籟吹菰蒲。我詩自笑詭癡符。

贈徐星伯前輩

指掌河源米聚山。蒲昌葱嶺屹中間。千秋著作天公界。故遣甘英度玉關。

兩賦已傾耶律博。先生著新置賦為千古奇作。耶律文正詩中多說西域事。一編還證小顏疏。漢書西域傳補注。誰憐雪海冰山外。獨據銀鞍

纂異書。

小策青驪顧盼奇。刀光如雪擁新詩。材官伏地先生笑。勒馬天山自打碑。先生手拓姜行本紀功碑海內只此一本。

數載流沙賦采薇。刀環夢繞馬頭飛。袖中拈出昆侖影。抵得封侯萬里歸。

潘絨庭琴趣圖

琴德惓惓優矣。風標舉舉僂乎。但道體清心遠。不問成虧有無。

琴在綠陰有夢人。如文鳳儀霄滿腔。醞釀詩思。只待天風海潮。

拈花寺有元人畫雪景。儀徵相公辛未年題一詩。今復衰池。命與荷屋前輩同作。卽次元韻。

山容詩影清可畫。紅樓玉溪天半挂。繪者不名題者貴。值抵千金國門賣。碧紗籠紙佛光照。廿六年來拄

香界。辛未至丙申二十六年。觀河菩薩重訪舊。鴻爪不磨雲不壞。門前補柳感今昔。馬上尋詩寄清快。渲染難窺摩

詰粉。摩詰以竹弓彈粉畫雪。吟題疊見勃海怪。單溪先生荷屋前龍工試手呼欲出。甚殷。焉用霧珠泉上拜。屬僧

寶此文字禪。雨護漏痕晴要曬。

送梁芷鄰前輩巡撫粵西

孟晉急展采志銳養益薄大道在易退一寂弭六鑿功名等墮甑謀慮蓄虛壑惟退心炯朗惟退志澹泊其量乃曠遠其學遂深博古來助業士弗受簪纓絡公乎十載息初仕已屈蟻會當急流際美疾三載托天隨逼身至鼓翼上寥廓而歲行萬里晴空一雲鶴返叩中所有著述拄延閣帝知确乎者不腴位與爵畀爾邊要地收取濟時略

二嶠

始安臨賀

縮穀口盤江匯流東

合省水皆匯盤江而東

山奇水激清八桂天府雄南交襟其邊苗獠羸其中一笑不足籌泰不同我同政和訟則理蠻髦環一宮政頗訟不平赤子皆羌戎恭聞馭邊策清德實可風捐金抵

珠犀種曾百技窮公清比湘源已半智勇功

十齡識公始壯乃共官轍後堂拜老母小燕賞詩訣荆州喜相值落帽對弭節吳門銜恤過公喟我嗚咽交情四十載一聚債百別翰墨古香冷文酒心印熱連歲與公遇相對各欣悅公望日赫奕銘勳到地岳我學苦多歧又苦障未徹荷重覺力淺緒劇媿才拙公乎盍牖我使我明作哲厚穹久不雨風燥氣炎烈南行犯溽暑北望隔朔雪設施先巨端拔擢定英傑遙聞樂職作不覺展齒折

賜墨樓詩和雲西宗伯前輩元韻

宗伯親陪介雅筵異珍頰下翦鐙天曲宴賜多珍而墨尤可寶早聞硯傾呼松使欲向人閒畫墨仙以漆投膠新制度乾隆年間取金元以來古墨碎者重造成班印曰大清乾隆年長春園精造如香著紙舊因緣絡煙方法搏沙手尙憶堯書點竄年

長春記薊證當時。此論曾徵大庾師。班孟文章隨口就。先生工詩文甚敏。李邕精采隔囊知。先生善鑿墨。鍊形又歷三朝久。守黑渾忘一己私。好築樓藏烏玉玦。國花庭院露初垂。先生庭前牡丹頗盛。

釣魚臺展楔和荷屋中丞韻

舊水續續新水新。一洗九陌西風塵。翁淪會匯百泉城。空廣奚啻千由旬。況當雨後清粼粼。長安水邊多釣人。昔者照見林宗巾。本來無垢亦不淨。奚爲濯此大壺身。觀河面皺付一歎。刻舟劍墮忘其痕。犀首無事且飲酒。任公得糖方垂綸。莫持絮果嘲蘭因。花開花謝都無定。眼中日月雙丸奔。展上已日真良辰。張裴袞袞得妙理。摯東斷斷紛解神。百昌相待娛冶春。窮渭之亭洛之濱。公詩清拔決勝頻。令我再拜呼吳均。

海帆前輩以椒珠見贈奉謝

寶裘絲貫綵垂經。巧作牟尼磔砢形。花底能招緒爾鳳。天邊疑散玉衡星。新紅蜀雨搓來辣。舊紫朝衫染後馨。豈特盈升說蕃實。還同鏘佩上明廷。

海帆前輩約赴握宅看菊。還集尊齋。菊亦爛然。敬步元韻。

兩地秋容絕點塵。信香寒蝶勸頻頻。舊騰送酒非無客。辛苦栽花大有人。上客爲芝軒相國。座中皆受栽培者。飲戶窄愁觥樣侈。詩懷圓與墨池親。晚窗冬愛暄妍甚。好共東籬作小春。

嘉平十三日大雪。次日未休。積尺許矣。奉約吳荷屋中丞。徐星伯前輩。徐廉峯編修。集鴻生舍人寓。

齋分韻得表字

去冬冬晴六花小。今冬冬坏。蟄液雨少。漫言。蟪蛄孕宿。麥朽。愆陽中。人人振掉。九重捧鬯。對天語。一再祕祝。通深杳。陰雲下垂。不俟霰。如霧如茶。地天皎。萬人提壺。欲起舞。一客犯寒。先破曉。吳家庭院。倚桂樹。手召素鸞來。木杪。鄒枚既集。宜作賦。其奈。堅火結墨。沼斯時。凭檻。逞心目。但見銀雲。收不了。數峯玉色。逼幽戶。一碧城。陰界飛鳥。夕暉。烘出絮。温煖。腹月盪成波。浩渺。過去輕車。似煙艇。誰家古屋。覆叢筱。超然臺。與蓋公室。直以高曠。兼宵窅。塵談。觴政越三鼓。耿耿橫參。醉霞表。歸來。偃臥不。噤。夢見明年。飽新粍。

東坡生日。吳荷屋中丞。潘芸閣。祁春浦。兩侍郎。徐廉峯。侍御。集顯處。視月齋。拜笠履。像觀荷屋中丞。

所藏宋槧施願注蘇詩本。以一曲鶴南飛分韻得飛字。

紹聖二年臘十九。重辨師以書為祈。是年公六十。南華重辨師以書物相祝。元符三年臘十九。談妙齋裏香初。辭。是年公六十五。與蘇伯固集談妙齋集。

伯固集談妙齋集。名香巖。南能塔院。斜川數詩頌公壽。斜川集壽大人詩。六十是七言律六首。一居惠一度嶺歸。楚人祝兮。越人禱。金籠放。鶴鶴南飛。白日上昇。果何事。見斜川集。公乎得算未古稀。豈知七百餘載後。歲歲祝公歲終。儂。人生安得

如子壽。有道或可相賓依。斜川集壽大人詩。有道或可來相賓。公詩百態窮深微。願乞公授。妃呼。豳公今遊。戲人海否。青衣

告夢來。願願。北斗亦飲真一酒。西山誰采元修薇。奚勞想像寫玉兒。一十六星天際圍。延陵宋槧世所希。

乾嘉名輩排珠璣。或題或詠或圖畫。五家隊繞三春菲。公詩貫中譬元氣。百骸九藏增其肥。前日對雪。盧

之碻。今日叢書門兩扉。風篁二老是邪非。勝友且辨且進。噉。沈達同甲偶然耳。退之磨蝎其庶幾。四十監

程侍郎遺集 卷五

州賦杞菊五十人侍腰銀緋功名百歲亦草草英靈萬古高巍巍俱言水仙合薦菊爭向戒祖求傳衣我詩險拙儕劉輝公其哂我杜德機四賢詩成左右揮梅花笠影春風幃

陪儀徵相國遊萬柳堂四首

屋少水逾闊寺孤雲自行甘棠五畝宅梵樂六時聲壇坵名猶震岡巒勢未平萬人齊種柳省識好風情

補柳綠生波益都種柳儀徵大夫子補柳花樓鳥亦歌星朝觴舊雨秦小峴司寇霧夕詠新荷公借朱山人常宿此安用樓臺起依然

風月多碧紗籠字處卅載未措磨

草橋休誤指柳徑屢成圖公屢圖此又有柳逕停雲圖煙水傾東墅風神蕩北湖公家墅在北湖望崇文潞國學貫漢經儒弗

倦登臨興鳩筇不用扶

春從長者視半日話拈花春園與吳荷屋中丞侍公遊此偶借郇廚饌兼分佛鼎茶水香留墨瀟諸鴻博舊遊地地僻入煙家再

訪蘆中客還應憶子華

題石夢詩畫為吳荷屋中丞

點綴霞標入畫家蒼騰楓逕一停車卻將夢裏邱遲錦喚作天南苟鬪砂

翰墨淵源自一家晴虹飛繞載書車歸裘只有鬱林石分貺都無玉象砂李文饒事

倪黃一角付煙家我亦追隨丙相車淺絳峯頭歸夢遠玉池溫水養丹砂黃山有硃砂峯下有硃砂泉即溫湯也

題吳荷屋前輩衡岳開雲圖

衡山如臥如障雲。風出軫野連江氛。衡山上應軫宿故多風埃五峯飛霜六月冷。縱有皎日陰霾吞。開雲霽雪偶然耳。

往往自誣夸異聞。海南仙人總三軍。擣虛批亢排凶門。桑弓失鴈俱崩奔。繫其僕鑿如招豚。但將衽席奠

瘡痛。不與雜虎爭功助。去時望禮祕祝繁。歸時凱歌雲鳥喧。鳩筇不杖杖師節。乘輿直到芙蓉尊。颺翻鐵

瓦夢犀甲。斗插鐙牖通天關。五更起看海潮沸。九霞中擁黃金盆。湘流五疊綠成帶。楚山一抹青無痕。鑿

翠惟聞盪胸句。磨崖卻少班師文。年時澆荒走千邨。肉其白骨歸其魂。今茲旁午散羽檄。獨坐大樹忘朝

昏。岳靈鑿此一腔熱。故假神柄開荒屯。人爭持贈嬾殘芋。公亦屢拜當陽恩。憶我瓣香叩華存。眼前咫尺

迷濃霧。大星螢滴敗絮裹。奇冷蠟縮重裘反。媿公同飲澧與沅。公名遠掛扶桑暉。

立夏前二日。鈺夫前輩招偕仙槎大空前輩。偕同人集極樂寺看牡丹。

漫勞撫景歎辰徂。檠戟門高積慶餘。見說犀光明夜渚。更傳荃體豔秋蕖。日華學士非無賦。城旦司空別

有書。自古入貲偏異用。試看黃霸馬相如。

每從方畷潑方中。便覺流光水漾同。捫籥談天焉不學。捧塵益岱竟何功。錐椎等用憐余拙。竽瑟兼羅羨

子工。瞬息東風過宣曲。宮花先擢一枝紅。

槎河山莊詩。為劉燕亭太守作。用朱文正韻。

九仙山容九仙骨。篤毓人物皆堅芳。下有蓬宇樹奇古。上眺海若煙冥茫。文正讀書比文彊。掃秋不使三

徑荒。文清繼起相兩世。揖讓燕許包韋匡。江湖魏闕天一方。謝墩付與烏衣郎。人多屋少笑語閑。圖書難

犬彘牛羊。何人政成謝名航。甘棠五畝留馨香。山莊爲方伯公築一屋幾比百孫院。累世遂獲三公祥。仙莊水石集元白。妙筆烟景超倪黃。披圖疊見瑞室頌。並海先問麻姑桑。西豪里門鄭公鄉。清芬舊德胡可忘。居官牆仞記先友。君其冑構追黃裳。

三月初九日晡風而雨。土天漸黃赤且晦。昏後忽小雨。亥刻大雨。次日卯刻乃休。是日吉亥。聖主行耕田禮。喜而有作。

曠暉未收風捲沙。闌窗無燭飛黑花。須臾樹響砌紋溼。如暘忽飲甘露汁。堂虛幕冷度三更。此時無聲勝有聲。風力漸增檐溜動。九衢車馬斷塵墮。傳呼清蹕法駕來。綠雲鐙影觀耕臺。響尊旁布樂歌起。風聲雨聲殊未已。洪靡弗御天顏歡。班三畢從天目觀。黃金白璧買不得。雨自九重念中出。音官候律說協風。況乃三白連春冬。農官惰職笑拊缶。自今以始歲其酉。

三月十三日送蹕後。偕荷屋中丞極樂寺探春。中丞飭辦素食。食之斐然有作。

佛以香爲國。香緣卽佛緣。燕商三徑雨。龍掌百花泉。古關餘焦土。明進士曠新居儼列仙。好春謀一醉。曾爲海棠顛。

東雉西勾路。和風送翠華。偶聆光政聲。來飲趙州茶。象笏勞參證。瓶齋只咄嗟。園中無限樹。先放倚雲花。

玉淵潭茗話

玉淵潭上水。萬疊綺羅風。風戀柳陰底。山眠花霧中。談高魚夢警。坐久鳥言窮。太息王飛伯。文章爲底雄。

王觀字飛伯金人隱居於此

送吳荷屋先生藩閩

罷鎮猶提半段槍。毅然雄略靖都梁。教匪閩武岡公已罷鎮猶提兵勦撫五年美政聞天語。六月培風到海臺。芳草綠添新

墨沼。公前在閩捐廉築風池書院好花紅徧舊甘棠。壺漿父老喃喃話。博得籌邊兩鬢霜。

沉湘使節際艱難。左擁文書右據鞍。十萬鴻警朝索哺。三千瓠種夜探丸。論功漫逞鷹鷂志。報國先求衽

席安。退食從容尋治本。一編官禮炳如丹。輯吾學編通古今禮

憶昔初傾大雅材。蕙馨仁氣拂雲來。隨公種橡誇滌土。助我采經影相臺。推測深微風削柿。商量出處月

銜盃。誰知一紀重談讌。玉躔金題取次開。

居近門幽儼陸沈。茶瓜鐙火度宵深。偶因埽壁成三絕。僞用封侯抵萬金。此去再花旌節樹。及時還譜荔

支吟。春風帶雨東行急。無限人閒望歲心。

解環

解環固不易。理絲良獨難。矧乃環九規。重以絲萬端。心手俱茫然。挑鐙起長歎。抽刀斷其絲。引椎碎其環。

炯炯天際眸。豈在牛背閒。

題賜馬圖

侍帝左右帝所親。必有良馬如正人。馬知人意惟所命。一步一趨無不敬。龍媒傲儻天閑來。曾游閩闔觀

玉臺再拜撫摩不敢策。踏月追風倍珍惜。河閒禮樂東平賢。朝回覓句籠吟鞭。道逢監牧王毛仲。猶說馳雲域西貢。騎中口齒圖所難。並圖賜出真榮觀。何當騏驎鳴櫪下。三世好儒同好馬。

湘林侍郎以劉文清手蹟見示。一七佛偈。一手札。一會榜貢士名及文評。各繫以詩詠歎之。

淨飯生牟尼。是為第一祖。如何金色伽。厥位次第五。意者大善生。乃與勝觀伍。聲若師子吼。口作梵唄語。如何說偈時。乃成五七古。得無大迦葉。潤色金剛杵。洞門一童子。性契宗乘普。似六朝人書。姿態何媚嫵。遠紹裴公美。飯依說淨土。右七佛偈

二王揚其波。蘇黃溢其瀾。匪為書沓拖。吐屬亦可觀。公腕右軍鬼。公筆元瑜竿。千載懷袖中。字字青琅玕。札。右手

花飛放榜天。官燭搖露初。餽名忽拆名。一笑淡墨書。淪茗重論文。昆侖得意珠。朱衣旁點頭。品評殊不誣。試官老歐梅。進士今韓蘇。古楷追鍾王。竊恐歐梅無。譬寫千佛經。智慧隨如如。智慧。如如。皆佛名。右頁士名及文評。

花筩

截竹貯雲霞。如瓶累累加。鳳皇十二管。旌節百層花。旌節花長五尺。層層有花。綽約移春便。蒼騰拂帽斜。洛如文字樹。

比擬最清華。洛如花。形似竹。那有文士即生。

殺青防迸裂。集豔貴鮮新。金帶圍君子。鄆筩醉玉人。芳根深附托。大節本輪囷。一顧盈門爛。風前倍有神。

題徐訪巖同年灘江送別圖。即送之官皖水。

出守甫六載。拜恩已三擢。天日照庭戶。臣節易昭暍。徐子路南傑。內瑩外抱璞。望郎治劇郡。到處頌魯卓。全活千萬人。適會閩災剝。閩人方截鐙。灘江修鼓櫂。鸞驂戲桂海。飛旆指瀟嶽。九叩謁前席。溫語聽數數。君房善應對。德滿情益慤。還我待漏院。未語臂先捉。君謂我皖士。定知皖純駁。我久別鄉里。風聽殊不确。昔者邱公能。不受吏胥脅。偶施霹靂手。一怒痛呼譽。今聞周侯猛。巨慙挫牙角。清領半焚棄。妖霧斂蒙濁。新安好山水。棚戶恣采斲。木伐山則童。石墮水乃聚。藪盜大藏垢。伍伯不敢撲。歲康尤可畏。山賊弄刀稍。剔攘如何先。想見智珠握。憶我訂交始。丞相敝經幄。老鳳正軒翥。迦陵尙雛鷓。秋鐙課風雨。一友忽剝啄。邇來廿餘載。人事等夢覺。其聚若萍梗。其散若風殼。君從江鄉來。圖繪出新貌。詩筭舊雨贈。千珠貫百珣。聊且避暑雨。聊且飲河朔。歎促襟未暢。別速感愈邈。上將酬知厚。下不負所學。諸生選何武。試聽中和樂。

程侍郎遺集初編卷六

豐樂溪圖爲吳雲蒸明經作

竹樹圖書共一村。樵夫談道女能文。最憐日午東風醉。十里溪花染白雲。春來桃花最盛。

軒冕高華德業尊。幾多名輩托衡門。催租舊券澄心紙。半是容臺屋漏痕。

一雙牙管餘清在。十二珠樓舊跡蕪。曾記豐溪談讌事。萬梅花裏望天都。

老樹周遭曲沼明。疏花細竹透籬生。分明一覺江鄉夢。只少泉源徹底清。

黃霽青太守自潮州寓書來並寄二律次韻答之

君宦東南天地閒。我行病渴困江關。每當藥鼎煎熬夜。輒憶詞壇突兀班。賢守神明知肉攫。長官清潔感珠還。如何忍厲投簪志。急爲蒔鱸返故山。

聞君曾掇鵠亭灰。陰德如斯合再來。寄遠勞勞頻付雁。登高草草一銜盃。魚龍影裏知交散。鷺鴨聲中將帥回。快讀摩圍好詩句。滿腔愁思豁然開。

題周穉圭前輩金梁夢月詞

綠酒初嘗元獻醉。月華如練范公吟。由來將相兼才調。不是吳兒木石心。高才延己追端己。小令中唐盜晚唐。更用嘔心爲樂府。漫天哀豔李重光。

澀體清真掩抑弦。飛騰石帚五通仙。君能併作洪鑪鑄。更把餘金范玉田。
鏤雲縫月具心裁。不是莊嚴七寶臺。竹屋梅溪都扶倒。故應平睨賀方回。
平園大集冠中州。豈止蕢漁玉笛秋。十里珠簾千步柳。卽論談笑亦風流。
仙山蒼草已辭根。塵夢稠桑欲返魂。雲錦鳳羅都溼徧。萬行情淚哭天孫。
難賡春月夫人調。怕讀微雲女塔書。憶向紅牙雙顧悞。當年公瑾定何如。
月嬌一硯費搗搗。我亦偷聲學里哇。近就清空求妙理。不邀青兕鼓銅琶。

題彭春農學士待漏圖

面目若刻畫。音吐如洪鐘。長身玉立清且雄。文章翰墨紛填胷。是宜承旨明光宮。
五更雞唱金闕皎。九霞日出觚稜紅。論思春殿何春容。堵牆學士咸鞠躬。問知家世承三公。
燕許手筆高岑風。當年曾假貽厥力。此日爭仰雲門宗。是宜聯華屬車中。
拄笏直接甘棠崇。何爲忽作六月息。並欲塞兌成癡聾。禁鐘官鼓久不聽。
書山一窺窗瞳矓。誰能奮庸亮天工。聖主側席求朴忠。公飽經術謀謨充。
驥首一顧凡馬空。黃鸝三請春色濃。願公夙駕來花叢。執御弟子希符融。

題晉甘敬侯墓碑

玉環碎。壯侯怒。兩褶橫槩不敢渡。金櫃鳴。敬侯驚。改易百官皆恣情。同征華表有三將。
敵知敬侯勇且壯。況舉義旗惟所向。六師敗績周戴殂。茂宏不終王室孤。儻據武昌劫以力。
必速太甲成幽拘。社稷不移敵。

亦去。何惜老臣頭挂樹。了無快劍誅王麋。那有歐刀斬周慮。君不見雞籠四陵狐兔場。甘家麥飯千春香。於戲侯澤何其長。

題劉子敬大令牧羊圖

劉累能擾龍。梁鶯解象虎。物媚養己者。不使妄喜怒。其神其猛擊。晏然臥堂廡。何況圈溷物。赤手可循拊。勇力能化裁。君略極雄武。用仁不用略。黽勉求治譜。食少生齒繁。萬室同一苦。譬如芻秣短。齟齬不能普。養民如養兒。如何缺其乳。定知循政至。天付好風雨。原頭積芳艸。盎底蓄糜腐。茁壯夕陽羣。纍纍腹如鼓。語其徬徨時。晝夜思所補。藉非詩禮深。焉能逆有睹。不稔何山谷。來迓劉榮祖。牧人有吉夢。夢俗比鄒魯。

白田懷古李供奉聽鶯處

高臥香鑪峯。迫脅上樓船。李黃公豈事秦。杜翻謫夜郎天。夜郎富黃鸝。其聲爭管絃。衆耳寂不聞。馬上驚

飛僊。偶然題一詩。石破蒼苔鏤。吟聲與鶯聲。萬口天下傳。白田及烏江。亦以詩千年。浮屠何時建。洞屋何時穿。知否公眼中有此巍巍然。公來夜郎時。譬在混沌前。奇山甫通道。亂水不可沿。樹石多於人。日月衆綠纏。奈有黃鸝聲。字字真珠圓。朝啼桃花紅。暮啼桃花蒼。名士宮錦袍。美人歌舞筵。藉以慰羈魂。羈魂正纏綿。至今樓上頭。夜夜聞杜鵑。我來值寒臘。鶯蟄江之壩。恰如謫仙人。埋骨青山邊。入洞出高閣。俯唾萬井烟。芳梅已爛漫。官酒不取錢。折梅問桃花。江干春可憐。西南有聲來。聲在高樹巔。瞥見白于雪。乃是羣鷺拳。乾葉枕禪榻。疎鐘震修椽。畫紙含遠風。欄影交平川。卻願鳳巢關。想像鯨魚旋。是日墨雲合。山山皆

醉眠醉眠呼不醒。中有李青蓮。

重經白田

金精飛入井維西。照見江波不貯泥。壁上千詩張旭艸。唐書以張將軍射張旭艸與公同傳鏡中雙影莫邪妻。見公詩誰家畫

閣新鶯囀。料得龍池萬柳齊。公龍池聽鶯為始遇辛苦上皇西內去。繞枝都是杜鵑啼。

淮南何事苦爭先。謂永王璘罪到申公絕可憐。杜少陵有楚筵辭醴之句況是贈金都斥謝。若論仗鉞亦親賢。至今江上看

明月。共道樓頭有謫仙。千古詩魂在盃酒。匡山牛渚兩茫然。後人辨匡山辨夜郎皆徒然耳不足當公一映

兩京雖復未稱雄。始信投簪浩蕩胸。狂客揮毫輕國色。上公低首拜軍容。謂郭尚父難堪宋璟巾中淚。卻憶龍

標別後鐘。是處樓高宜縱酒。為君翦取最奇峯。

啼鴛猶是古來聲。中有新詩脫口成。神劍白連孤月墮。宮袍紅擁萬花行。憐才欲殺皆知己。蹈海求仙豈

近名。只有錦心銷不盡。死生終戀謝宣城。

盤江鍊索橋歌

初疑長天片雲橫。天風鼓之掀不平。洪濤怒吼自南下。馬蹄人語空中聲。誰將六州鍊。鑄此千丈緱。江頭

老石危無根。兩山壁立日月昏。晝夜馳驟雷霆奔。定知有路接霄漢。踏破彩虹才一半。袖邊鷹隼任衝突。

足底魚龍倏凌亂。一騎度心搖搖。百騎度不動搖。翼以兩欄何迢迢。有如網絲橫暮潮。道是神仙長板橋。

長板橋。那可渡。別離愁。挂江樹。何如巨靈一擘去。斷卻人閒坎軻路。

馬場懷古

王與后以口計十八先生奮忠義招晉王來討秦十八先生歃血新奇謀洩冤獄起十八先生同日死就中閣臣吳自云執筆我最先欲以一死全諸賢諸賢求死大呼嘯詩籌滿地酒滿醕爭騎箕尾上霄漢暮暮朝朝帝閣叫與朝日月光照徹幽與微忠魂得證如衮衣祇今南籠一坏土牲酒芳潔松楸肥鄭侯我同里鄭侯名允元欽人子孫知為誰李侯有賢裔李侯名頤常州人其子孫會輯三忠詩會輯三忠詩獨憐張與全張內侍福祿全內侍為國臨難遭極刑遭極刑名乃成古無璫侍稱先生吁嗟乎張先生全先生

神魚井懷古

噫噓乎公之大節不難殉潭州而難于殉大江之中流其時左兵清君側逆跡未全露公稔知之不可奪投江幸不死乃開府仗鉞招降十萬兵天乎人事一朝盡只留一劍成其名瞿殉粵公殉楚編明史終兩虓虎石齋募師死於飛黃公不死於左而死戰場神魚之泉至今天風吹之波不揚

黔西州署海棠曲

兩株偃臥如醉眠三株轟轟纖且妍中央古本逕二尺不知摧折當何年西昌之香天下傳牂牁之香水西專海棠無香唯蜀之西專西昌及黔西有香頗聞花史述花語花開覆座春風顛深紅外衫淺紅相更翦翠羽垂四肩大婦舞酣中婦倚小姑玉立尤嫣然就中一種香可憐似蘭非蘭蕙非荃閨姝粉汗乍霑漬繡幕久熏初試寒消人魂魄暖入骨夢寐亦與花纏綿我來惜非豔陽天涼州不按檀槽弦卻移銀燈照枝幹好影倒地殊嫵

娟更按殘葉嗅芳澤。花亦笑人情太墜。繞花嘆息憶花態。欲待來歲開瓊筵。何如才士與時拂。閒關求者慳其緣。荒江老屋儻一遇。先約梅花輸聘錢。

泮水道中

密筱依村曲。修梁逐水回。日斜高柳得。天闊遠山來。民稼同耕垆。雞豚溷乳胎。胸中有巴蜀。圖畫若爲開。

本蜀地。割入舊曾到蜀故云。

康蘭皋中丞行年圖二十四首

鯉庭學禮

公十一齡卽學禮。入鄭孔室見根柢。口講手畫堂上喜。萬卷皆匯古淹中。公讀書法。以一經貫羣書。修國治身何隆隆。

年垂耳順未釋恭。

風雪歸帆

孝子之淚溢江水。江流嗚咽二千里。天亦助哀風雪起。何堪丹旆犯怒濤。恐驚靈爽不敢吡。橋烏凍墮偏

嗷嗷。

山陽僑寓

廉吏之子感數奇。歲暮囊罄將何之。丹沁阻我交流澌。卜居難得近盤谷。卜窆難得鄰王屋。人極艱處天所福。

彭門負笈

司徒早識彭祖奇。以黃叔度爲之師。學有經術通知時。此後粵東說動政。一賢大府一大令。識力皆自講堂定。

金陵求友

姚比部文宗震川公。以雅管薪其傳。輝映儕輩麟焉。名流自昔重求友。集思廣益成巨手。難得北海不空酒。謂茂園先生。

蹇驢赴試

經義詞賦俱第一。誰家年少五色筆。走詢知乃弟若姪。父老爭迓謝客歸。可憐公子大布衣。鞭絲得得來尋詩。

春雨課耕

秦渠所漸畝一鍾。先生自署識字農。既耕且養娛春風。安能獨先天下樂。蒼生日望深源作。太行之雲出幽壑。

圪圍射獵

環河帶沁圪勒圍。獵騎出林刀槩飛。公運火器如發機。區區疊肋奚足梓。聊復鍊此英雄骨。射虎詩成醉明月。

禁垣同直

藥崧風骨宜星曹。況得季英杵臼交。謂吳見樓方伯宮花紅對鷓鴣巢。平生契友數張劭。鼓柝湘江又同調。當年

太傅知二妙。

夜燭治書

不喜讞獄必能讞。心平不欲才力顯。事平不受毀譽轉。十年五夜燈燭紅。民命一錢懸當中。至今海內稱

何公。用何比干事。

蕭寺聽琴

夕郎荷囊給事歸。往往酩酊笙歌圍。先生舉袂一笑麾。獨尋蘭若坐清晝。要聽朱絃出深透。宦況蕭寥比雲瘦。

遼陽扈從

興盛兩京天所臨。東出山海遙且深。聖日蒞止上帝歆。締造艱難神武廓。侍臣擬和瓜繇作。更擬點竄桓與酌。

木蘭隨園

聖人臂弓入三驅。矢連六熊雙於菟。裘長捧潼駭且趨。近臣四扈木蘭蹕。曾策駿馬逐禽逸。歸來獻賦說惶畢。

榆關持節

前席奏對動聖聰。試以案獄課厥功。平反遂至榆關東。河可塞兮冤可洗。兩度秉節天顏喜。方叔召虎其選矣。

薇垣仰屋

皖民嗷嗷待公哺。公飢公渴以身赴。士歡而輸民則懼。謹其筭籍不取餘。三載封椿連屋隅。天下方伯宜師諸。公藩皖三年積蠲至七百餘萬。以不取平餘僅其出納之故也。

皖江迎養

帝知公孝問公母。謀及迎養帝寵厚。自潞達皖一帆走。人生何者為親榮。能致帝問榮莫京。是子非是母不生。

御園待漏

瀋皖并作中和樂。聲聞於天公錫爵。介圭入覲趨五柞。頗牧十年居禁中。別來苑柳何蒙茸。日高天語何春容。

瞻園懷舊

公知貢舉駐白門。賓主曲譙喧瞻園。昔聽鹿鳴曾隔垣。公讀書瞻園曾見與書窗老樹遽如許。師友蒼茫那復聚。昔日茂才今大府。試監臨兩宴於此。

射圃角試

公通韜略工擊刺慨然謀國修武備日督山河子弟試此意得之古范韓况當江淮屏蔽間至今走卒多

陳安澤託治下故稔知之

桐陰課讀

家法讀書兼蔽菜日陳經史北面拜覽舉養炬殊可愛綠陰如水翔鷓雛磨祖之硯讀父書瞻園佳話其繼乎

錦幄娛春

蒔梅刪竹疏流泉一屋花氣蓬蓬然太夫人坐東風前象簡導與子孫遊慈顏一笑壽觴瀉明日哺烏滿鈴下

庾嶺補梅

大阮栽花小阮補月明鋤破玻璃土春滿嶺南連北戶公以威重鎮海疆都道廣平鐵石腸豈知賦筆温磨香

自營生壙

漢逸人趙作達者唐司空圖慕其雅惟公別具深意也公以湛然知止心眷戀二親求諸陰料同穿壙文貞忱

焦山度歲

先生風義古所無。奉遺命立外家孤。緣自河內東趨吳。崢嶸殘歲風雪作。避俗乃臥松寥閣。揚州那識橫江鶴。

題吳蘭雪廬山紀遊詩後

瀑乃有源水。必觀水所都。山頂藏天瓢。傾倒出天壺。初如玉龍翻。曲折無所趨。擲地脫鱗甲。化作千琲珠。又如天女衣。出曝當晴暉。素練皎無紋。白雲飛上機。忽爲日氣侵。文采雙虹霓。靈妃顧之笑。天風生石竅。誰將金錯刀。迸裂琉璃罩。須臾補無跡。倍覺天手妙。依舊玉龍翻。鼓怒爭叫嘯。依舊天女衣。徊翔添綽約。石亦何齒齒。樹亦何蒼蒼。窘束一綫微。布瀉千丈強。高者飛作雲。下者滙爲水。雲飛總還山。水深那見底。一峯通一峯。峯峯見首尾。首尾誰能尋。須上最高岑。公乃振金策。窺見太上心。卻笑李謫仙。低頭下界吟。峯峯可觀瀑。黃巖乃爲勝。其源湛湛深。其流浩浩競。出險彌覺平。積弱乃生勁。排空勢轉矯。受采體逾淨。譬若韓杜詩。橫逸任所爲。萬卷作源流。頓挫成漣漪。兼有衆派長。酌以無當卮。我公今詩仙。復得山水助。示我觀瀑詩。玉骨當秋露。吸取韓杜神。出以華妙句。我昔到匡廬。苦未躋其顛。灑落冰雪容。僅探馬尾泉。今宵仰天宇。喜見銀河懸。夢不到蠡湖。亦到銀河邊。

詩餘

蓼花調寄浪淘沙

一穗一秋痕。岸側籬根。水天多少夕陽魂。併入露枝風葉裏。紅顛黃昏。鷺宿更鷗屯。簇簇紛紛落帆沾。酒對斜門。正是晚霞魚尾赤。圖畫江村。

酬潘公子星齋調寄眼兒媚

萬花深處五雲多。新雨昨如何。黃鸝三請。丰標公子。且駐鳴珂。瑯玕碧裏留清響。知是鳳來過。它年簪筆。吾廬可愛。人影風荷。

葫蘆調寄沁園春

嗟爾葫蘆。蔓縛絲縈。當門獨懸。似歌來張裔。內相外潤。鑽將屈穀。口實肌堅。盛火斯焚。安簧失響。那有青田蜜汁鮮。知何用。只蠻天覆大。配箇槃圓。趙州土壁東邊。甚并絡。雙眸斷復連。嘆文人贈答。難裁筆管。道人留飲。久失醫篇。胡廣藏身。征南病頸。枉被人嘲拗。且偏江湖上。看大樽五石。空腹枵然。

牽牛花減字木蘭花

柔藍一架。小摘銀河秋影下。莫是黃姑。配得匏瓜獨處無。金鈴鼓子。喚盡芳名。渾不似。輸與郎誇。世上原無織女花。

鳳柳調寄望海潮

何年翠鳳。婆娑九尾。鬻然來集幽深。眠重醒遲。雨多晴少。無煙亦自沉沉。山曲水之陰。有畫橋橫路。香絮盈襟。一面風偏。欲隨驄馬度遙岑。天涯別恨侵尋。正當眉憶黛。理綫停鍼。思曼纏綿。小蠻旖旎。春來事

事難禁。人影倚樓心。悵秦雲似棧。蜀嶺如罽。露白霜紅。爲誰憔悴到而今。

潘星齋公子藤花吟館圖調寄念奴嬌

玉郎華屋。正東風吹送紫香雲裏。人本纏綿。花本豔。醞釀一庭紅意。玉手揮毫。翹鬢照墨。字字聲聲媚。渠儂口吻。綠鸚歌罷能記。最是小晏情深。少遊才冶。肺腑眞珠纍。細碎篇章傳誦徧。繡入吳娘袖底。名士傾城。搓酥滴粉。貴盡長安紙。虬枝覆處。畫簾人影雙倚。

題閒看兒童捉柳花圖調寄疎影

搓香捲雪。正緒風款款。簾外初起。黃口酣豔。巧奪狂追。相逢欄角花底。縱教盈把。知何用。熨不暝。鶯雛燕子。歎晚來。高下西東。都入麴塵春水。獨有青楊詞客。愛風景韶麗。唳望閒倚。何太輕盈。如夢如雲。惱亂揚州十里。儻無捉搦。誰珍惜。轉忘卻。謝家詩美。忽一時。撲面紛紛。恰趁唾絨窗啟。

九月十五夜登越秀山看月次吳石華韻調寄水龍吟

些些雲縷都無。不知誰掃。秋河際。天容山色。涵清混碧。煙中有水。風定尤明。夜深全白。一空林翠。想萬家清夢。鎔成露氣。把樓閣。扶將起。客是不眠。吳質。聳吟肩。玉壺三洗。小謫人閒。舉盃能說。廣寒前事。海上琴聲。一彈誰和。美人千里。正窺簾的的。素娥單獨。似敲還睡。

圓圓小像

楚腕柔香。戚腕嬌香。天然素華。甚藥師紅拂。相逢越第。押衙沙叱。奪返韓家。君父恩讐。英雄節義。付與傾

城一笑譁。寸腔裏有柔情一點。誤了生涯。三姝豔若朝霞。說四面菩提。八面花想。鷓鴣虞茵上。同心並坐。虎鶯屏畔。六嬾爭誇。晚節超然。看人墮落。不向侯門走鈿車。梅邨曲。縱千金購燬。尙有箏琶。

題吳鴻生中翰閨重九雅集圖

兩開叢菊。算人生難值。閨秋重九。小集蘭臺。推茂灌。少蓋鴛鴦多。又。楚壁詩痕。燕山墨雨。圖畫天開。臚范家研暝。摩挲夸向詞友。側想二陸高居。蒼茫雲樹。滿座題糕酒。七十年來。鴻爪雪。付與武昌官柳。桐葉能知。茱萸再把。采筆還依舊。西風落帽。訂交都在杵臼。用吳季英事。

題成蘭生太守西湖照影圖

磨月成銀。拓山函鏡。花柳放出空明。葑雲銷盡。一碧盪秋晴。憶自鄴侯照後。蘇和白詩影。縱橫。能來者。先盟鷗鷺。舉手濯吾纓。高名人競羨。冰壺洗魄。玉磬儲精。任綠水青山。坐嘯飛行。莫認淵魚俯察。心印處。珠定波平。輿歌好。西湖誰比比。似長官清。

桐縣調寄念奴嬌

綠瓊枝小。白絨絨非雪。非花非絮。金井玉闌黏欲徧。昨夜露華疑雨。傅粉難乾。吹香不定。恐逐西風去。纏緜宛約。令人情緒如許。最是么鳳憎寒。妒羅假暝。應有安巢處。裏住離心。縈著恨。不放一秋先度。月熨初平。雲篩正膩。惆悵吳娘杵。衰衣夢遠。幾回錯撫庭樹。

程侍郎遺集初編卷七

釋彗

彗者何。本類星。末類彗。故謂之彗。彗無光。傅日而爲光。故日東升則西指。日西降則東指。其光有竟天者。故曰長星。其質乃五星餘氣所化。故備五色。數不過五。其行有本行。故能遲能速。其體麗月天。近人。故於人事易感召。其應以出久暫。芒長短。行遲速。驗事大小。稠深淺。大抵一月準一年。二月準二年。三月準三年。或云無百日不沒之彗。然占書史志有二百日之說也。其氣能幻。故或化雲。或化霄霞。其氛先附於日輪側。故五寅日以礬水盥日。可決其現否。其相似有孛。有欃槍。有蚩尤旗。有王蓬絮。孛體則圓也。氣四出也。欃槍則侶絮。彗也。蚩尤旗則類彗而柄曲也。王蓬絮則散糶若絮。或有芒。或無芒。行甚速。一夕能歷數次舍也。夫星氣變怪。其本皆在下。而發現於上。譬人膚肉生疽癰。其根柢皆伏藏腑也。雖占驗尅應符其時。或不符其地。符其地。或不符其時。或俱符俱不符。然其爲不祥。則靡不符也。亦有不符。則人力能弭之。或謂彗在月天。去恆星天尙六重氣。豈能及。譬若秦人惡越人。向其方詛之。越人豈聞知。不知日輪天居中。與上下俱闕。而衆曜皆受其光。光能及。氣亦能及。矧彗傅日爲光。則烏容有闕哉。故歷徵史乘。識星變時。與地相符者多。不符者少。人力弭之亦閒有。譬若祝由疾。劓殺潰瘍。視醫高下而已。然則王者受命宥天下。觀先兆。側身修省禁事。銷患於未發。其權固在己哉。

肇十有二州說

堯典肇十有二州。馬鄭注及晉書地理志皆以爲在禹功後。漢書地理志谷永傳。皇甫謐帝王世紀。宋書州郡志皆以爲在禹功前。案下濬川之文。則在禹功前之說是也。禹貢云。九川滌源。九澤既陂。皋陶謨云。予決九川。距四海。濬畎澮。距川。蓋禹功告成之後。其利可百世。豈甫疏鑿。卽又有濬通之役耶。漢書地理志云。堯遭洪水。懷山襄陵。天下分絕。爲十二州。使禹治之。水土旣平。更制九州。帝王世紀云。堯遭洪水。分爲十二州。今虞書是也。及禹平水土。還爲九州。今禹貢是也。其言甚晰。足正馬鄭之誤。蓋舜居攝巡狩時。水土未盡平。正禹致力之際。故曰濬川。逮功成後。乃分九州。山川澤藪。皆以九筭。勒爲成書。以告後世。直至受虞禪後。未之改也。或引鄭注。肇始也。爲難。則應之曰。十二州肇于堯。不肇于舜。且大傳肇作兆。說文作塊鄭彼注云。兆域也。爲營域。以祭十二州之分星。蓋巡狩必祭山川。兆星封山。皆祭義。肇不作始解。則十二州仍堯之舊。益非舜所分可知也。十二州之名。曰冀。曰兗。曰青。曰徐。曰揚。曰荆。曰豫。曰梁。曰雍。曰營。曰并。曰幽。馬季長曰。舜以冀州之北廣大。分置并州。燕齊遼遠。分燕置幽州。分齊爲營州。鄭康成曰。舜以青州越海。而分齊爲營州。冀州南北太遠。分衛地。水名。作爲并州。燕以北爲幽州。馬鄭之說。蓋取周禮爾雅成之。幽州有醫無閭。并州有恆山。營州上應營室。皆可據。故舉十二州之名。當從馬鄭。以十二州在禹功後。當舍馬鄭。別求三山。以足五嶽四鎮。成十二山。以配十二州。則書缺有閒。馬鄭所不能也。

論承重孫婦姑在當何服。蒼祁淳甫。

承下問承重孫婦姑在當何服。經與律俱無明文。並引顧亭林方望溪之說。判其同異。具見閣下讀書心細。古人所略者。澤何能知。姑卽所見及者。奉荅案承重孫婦服當從夫。並不計姑在與否也。唐律云。婦爲舅斬衰三年。其夫爲祖後妻亦從服。婦爲姑齊衰三年。其夫爲祖後者。妻亦從服。祖姑。政和禮書儀家禮皆遵之。至明會典。改婦服姑同於舅。今通禮遵之。是承重孫婦服當從夫。著於律已久。況承重者。荷爵士之重。父物固承。父未物而廢疾亦承。其婦從夫而服與姑同。亦何嫌哉。且姑自服其應服之服耳。婦自服其從夫之服耳。彼承重不嫌於父。豈同服遂嫌於姑哉。夫承重者。承爵士之重。非無形之物也。周制封建曰親親。曰尊尊。故承爵士者。雖諸父不敢先之。而其物也。其父爲報服。斬衰三年。若施之後世。則駭矣。今封建廢已久。惟世襲者尙可言宗法。言承重。若大夫士庶家。一遇大故。其長子不幸死。輒引長孫加於諸父之上。曰吾行古禮。此宋以後拘儒不達世變之所爲也。若唐以前尙有解此者。故晉侍中庾純云。今五侯有爵士者。其所防與古無異。重嫡之制。不得不同。至於大夫以下。旣與古禮異矣。吉不統家。凶則統喪。考之情理。俱亦有違。然則律文何以著承重之服。蓋封建雖廢。承爵士者。則代代有之。律文蓋爲承爵士者發也。然則士庶家何以行之。曰此由墨守家禮而致誤也。家禮非朱子所作。白田雜著辨之甚明。承重已失禮意。其婦之服。當在不議不論之例。除世襲言。若宛轉從俗。則唐律以下所著甚明。可覆案也。管蠡之見。輕議禮文。恐不足備方聞。採擇惶汗惶汗。

狄未穎孟子編年序

言孟子者有五誤。趙岐孟子題辭。鄒本春秋邾子之國。孟子時改曰鄒。非魯也。今鄒縣是也。又曰。孟子魯公族孟孫之後。子孫衰微。分適他國。是孟子本魯人而實居鄒。不可謂鄒卽魯也。乃譚貞默編年略。以爲鄒卽孔子陬邑。誤一。司馬貞索隱。孟子卒於周赧王二十六年壬申。年八十四。依此逆推。則其生當在烈王四年己酉。乃索隱謂在定王三十一年。聽雨紀談作三十七年。闕里志又作安王十七年。誤二。竹書紀年。梁惠王後元十三年。齊封田嬰于薛。十月。齊城薛。卽孟子所云齊人將築薛也。是年爲周顯王四十六年。孟子在滕。經有明據。乃金履祥通鑑前編季本事蹟圖譜。謂孟子遊滕。在赧王元年去齊之後。誤三。紀年。梁惠王三十六年。與諸侯會于徐州以相王。於是改元稱一年。又十七年而薨。孟子至梁。在惠王後元末。年已五十餘。故稱王曰王。而王亦稱孟子曰叟。各從其實也。乃史記謂惠王三十五年。孟子卽至梁。通鑑綱目從之。又參用竹書謂襄王元年始去梁。凡在梁十八年。誤四。國策。齊宣王令章子將五都之兵伐燕。三十日而舉燕國。與孟子合。此赧王元年事也。取燕燕叛。孟子之去。宣王之薨。並在是年。大事記朱子綱目明白可據。乃黃氏日鈔謂伐燕有二。前伐燕在宣王。後伐燕在閔王。孟子集註又謂齊破燕後二年燕始叛。說者因據以爲孟子後事。閔王之證。誤五。有此五誤。而孟子之里居生卒。出處先後。不可究詰矣。溧陽狄永穎先生起而正之。闢諸謬說。歸之一是。而後亞聖之生平。如燭照數計。於戲。可謂有功於聖賢之門矣。先生所著孔子編年。其精核賅博。遠勝胡允任。有識者能辨之。然爲孔子編年尙易。爲孟子編年。卽淹雅如閻百詩。亦謝不敏。甚矣書缺有閒。令人嘆生千百世後之難爲學也。先生著有四書補闕。行

卽授梓合之兩書。其有功於聖賢之門甚偉。夫著述至今日。幾幾乎人握珠家抱璞。而有功於聖賢之門。則不多見。卽謂先生爲聖賢之徒也可。

癸巳類稿序

吾里學派。自江戴昌之。金程承之。其緒蕃變。率以治經爲宗。都說經鑿鑿。尤善治史部。則有吾師凌次仲先生。與師角立不倚。則有吾友俞理初先生。凡學無門。逕則雜。雜則經學溷漢宋。天文學溷推步占驗。執一則隘。隘則暖曖姝姝。悅一先生之言。墨守訓故。甚且持古疾以病今。理初先生憂之。於是察兩漢門。逕端其趨向。於其歧則閉也。復饋經史。旁通諸子百家九流。於其僞則剷也。不甯惟是。宋之亂。漢易判。魏晉之亂。漢難判。淄澠流合。易牙能分之。撫古人之愚。若辨黑白。乃益見古說之可信矣。書缺有閒。箋疏脫訛。徵之於諸子百家九流。有時而窮。則援及釋典道藏以爲助。批糠塵垢。尙堪陶鑄。矧其精者。啓我質我。不猶愈於求野乎。然非先生受性精敏。一覽便記。又烏能宏覽博辨。差擇助詮。若是之廣且大歟。先生著述甚富。未暇寫定。今春應禮闈試。受知於王菽原主政。主政薦剡未售。急索其著述。飲金棗之。蓋欲以千秋身後名。償俗耳目一第之榮也。用心良苦。聞者感歎。惜乎時日稍迫。僅得十之三四耳。記十年前與先生篝燈夜坐。偶有作述。援筆立就。引證賅洽。退而檢諸篋。無一誤事。誤言。洵乎才學識有千萬人而無數者。書將就。委序於澤。澤澤學術。譴陋焉。云知先生。然私幸竝世見一傳人。引吾里江戴之緒。且未有艾也。

癸巳類稿又序

右癸巳類稿十五卷。吾友俞理初所著也。理初負絕人之資。篤好讀書。自識字積髮素。復饋凡四五十年。其善於始也能入。其眇於終也能出。叢籍城擁。手繙繙不輟。輟輒大半成誦。地人名稱事回穴數載。極見某皮某冊某篇。行語卽中。是謂能入。萃昔賢往事。判黑白。搖筆纒纒千萬言。某可據。某可聚。某不可憑。某宜糶也。一篇中計疊簡不勝舉。使起昔賢論往事亦領。是謂能出。出入之際。無精心卓識果力。則絢博而支。絢斷而歧。宋以後逮有明。豈無博見彊識。則徇虛車。絀實用。恆若斯也。惟識足以徹千古之藪。辨足以息萬喙之爭。富足以會古今之通。明足以別真僞之溷。然後縱橫勃宰。底於是乃已。故治經貴一也。繆率於注疏則隘。畔離於訓故則野。援證典確。葦甲新意。皆陶鑄秦諸書。漢諸儒斯得之。治史貴紛也。讀未終卷。遂持論。則塞。讀一史未他及。遂持論。則陋。正窮乃稗。稗窮乃注。注窮乃金石。全史醞釀。歧說旁溢。斯得之。尤善言天象暨厯數。以爲泰西法積精。然豈三代秦漢人所豫解。以某時厯衡某時法。是非區分。則三代秦漢人不能委其過。尤善言地輿。說方域。以爲中外同軌。不道險。今昔異履。不詳憲。惟殊方遐國。人所忽。必當察。察則萬一可據。爲攻戰之導也。至於掌故之鉅。名物之細。聲詰之雅。七緯三式。釋典道藏。素靈之奧。景教之歧。凡諸儒橋舌方皇者。稱引首首。如肉貫鼎。絲在欄。則又非恆量所能測識者也。加以受性方直。僞書誣古必辨。魏晉儒改故訓。蔑先儒必力辨。邪醜正否。嫉賢必覲。縷辨。嗚呼。古心哉。古人哉。凡理初手成宏鉅書。不自名者。甚夥。年過六十。而聰強審密不憊。其著作未可涯。此冊斷自癸巳年。故曰癸巳類稿。刻成。索序於予。予讀之甚愜也。爰就所窺及者。誦之。其諸廣邃。以俟大雅。

金石題詠彙編序

金石文字自歐趙著錄以後。書不下百種。而哀其題詠爲一集。則自甘君實庵始。或曰。詩以道性情。至詠物則性情細。咏物至金石。則性情尤細。雖不作可也。解之曰。詩騷之原。首性情。次學問。詩無學問。則雅頌缺。騷無學問。則大招廢。世有俊才。洒洒傾倒一時。一遇鴻章鉅製。則瞢然無所措。無它。學問淺也。學問淺。則性情焉得厚。況吉金多三代物。其文字與經表裏。可補經闕。樂石之最古者與金同。其文字與史表裏。可補史闕。宋人棄訓詁。談義理。自謂得古人心。不知義理自訓詁出。訓詁舛。則義理亦舛。又史傳年月官系之紊。非碑碣不能證。譬若羣子。姓議祖舊。忽引一數百歲人在側。啞然指其妄。而議者紛紛退矣。然則吉金樂石之有關於經史如此。宜其自唐宋以來。題詠不絕。至我朝尤盛也。況訓詁通轉。幽奧詰屈。融會之者。恍神遊於皇古之世。親見其禮樂制度。則性情自莊雅。貞淫正變。或出於史臣曲筆。賴石之單文隻詞。證據確然。而人與事之真僞判。則性情自激昂。是性情又自學問中出也。顧金石題詠。散在各集。非藏書家好古士不能輯。則實庵之功。且出歐趙外矣。余反復檢閱。欣然序之。時道光十一年八月中泮。

秦階六符後序

壬式之學。失傳久矣。明張仙槎得真訣於孫南峯。遂傳姚少師之學。所謂以支爲體。以干爲用者也。干能使支。支不能使干。猶陽能使陰。陰不能使陽。不明遁干。則分毫無取驗理。會門之外。如五變中黃經。玉藻金英照心神鑿經。直指析義等書。俱能發遁干之覆。然用遁干是矣。未嘗專用遁壬。用遁壬因而六之。則

自先生始。是書也。探源於伍相。范大夫。而文之以東方大中。縱橫勃率。九變復貫。鈇析類神。至纖至悉。射覆責丁。若捕盜之用遊魯。至其文采吐屬。蓋遠超金匱玉衡龍首之上。下視漢唐以來附託之書。不啻培塿矣。先生績學嗜古。無所不窺。尤好闡天人之祕。此僅騏驥一毛耳。然聞先生居恆晨起。必焚香占一式。有求者則盡其求。乃止。著有奇驗。布在人口。澤讖先生於楚南。論古之暇。必及壬式。且言是書體例作意。時匆遽未及索讀也。今先生歸道山五年矣。嘉嗣鏡海前輩。出此見示。並屬序於澤。豈不以澤千慮有一得。然澤維管公明別傳云。術數有數十家。其書有數千卷。然而世鮮名人。皆由無才。不由無書。是則先生占驗之神。才爲之也。徒書云乎哉。道光十年。歲在庚寅。日干辛支卯。月將在子加酉。古歛後。學程恩澤拜撰。

太原王氏族譜序

王氏巨戴有三。曰瑯琊。曰太原。曰京兆。瑯琊太原皆出武城侯離。離二子。曰威。曰元。元。瑯琊祖之。威。太原祖之。漢魏六朝。瑯琊之望最著。於是太原之偉人巨公。往往混於瑯琊。唐一朝。王氏宰相凡十三人。瑯琊得其四。京兆得其二。而太原得其七。是太原之望。於唐尤甚。榆次於古爲太原郡。屬榆次之王。蓋自受氏以來。未遷徙者也。宜有譜。然世遠著錄竟少。王氏孫世居榆次。有裔長先生者。慨然曰。自吾十三世以上。吾歷歷可指數。若再生則無聞焉。及吾身不著錄。則日月益逝。並此十三世將澹忘之。故吾作譜。斷自十三世始。吾見某族某譜。與史傳悟者有矣。與碑碣悟者有矣。官不辨制。地不辨沿革。聞疑稱疑。廟以附會。

是重誣其祖也。吾何敢。吾甯紀於近也。恩澤於先生之子蘭圃。大令爲亞。聞先生之言如是。於戲。是於敬宗收族之道庶幾矣。夫太原之望本巨。其中更世遠。文獻不能徵。遂紀於近。蓋其慎也。昔老泉蘇氏作譜。僅及其高祖。且自謂益州長史味道。至其高祖二百有餘年。其閒世次。皆不可紀。今先生乃能及以十三世。不可謂不幸也。況作譜以後。其昭垂於後。蓋無窮哉。

遊香雪海記

吳郡以西之山。蜿蜒磅礴。若鼎峙而林列。惟具區實吞之而不能盡。若雜置大小石於庭。而引水灌之。其狀或出或沒。或仰或俯。或環或玦。人咸知湖之盪乎山。而不知山之竅於湖也。竅於湖。故愈近水愈靈秀。殊異。嘗湖山之奧。曰香雪海。山固多梅。梅根飲於湖。而花醞釀於雲上。大江南北。以梅著者。無與香雪海比。尋梅者以不得至香雪海爲憾。甚則一涉其涯而不見多梅。於是香雪海且負謗。道光十年二月。下泝。陳玉生觀察。招梁芷林方伯。汪寅禾編修。及余。爲香雪海遊。余謝不往。觀察詫曰。君素豪於遊。無君不樂也。奚其辭。余曰。前數日。曾一至。不見梅。登高眺之。則數十株。廁桑林閒。乃詢海之農云。若梅何時可盡放。則應曰。盡放矣。然觀察強聒不已。方伯亦使促登舟。余踉蹌去。是夜北風號怒。雪皎皎下。客皆噤。啞不成寐。味爽。泊光福司。起覲。篷窗隙。則霽光皎然。觀察曰。天且假人。倘花亦若是耶。遂乘筇。將徑抵香雪海。詣司徒廟。觀四奇樹。於是昇者諱曰。欲觀梅乎。須至菖蒲潭及潭西。乃至菖蒲潭。彌望十數里。若明雲屯。積時。驕陽乍升。芳馥漚鬱。中人如醇酒。至潭西。鐵榦架立。丹者。碧者。縹者。藹者。色相糅者。如以錦綺裹虬。

龍愈擊攫。愈斌媚。香益酷烈。順風聞數里外。觀察乃擲榆余曰。若非香雪海乎。海固不可一地限也。君目中之海何其隘。吾意中之海抑何寬耶。遂登六浮閣。復赴蟠螭山。山斗入湖。湖在几席下。乃食於鄧尉山之還元閣。登鐘樓。歸途經潘氏園。入舟。乘夕照歸。櫓聲穿叢綠閒。山光水態益明。蓋來時暝無所見也。是役也。攬湖上之山。佛螺帝青。若煙點著明鏡上。則蟠螭最。自萬梅影中。掬湖光於掌上。則六浮閣還元閣最。花天然而夥。則菖蒲潭最。畦瑰畛寶。各競姝麗。則潭西最。憑高下視。使疏花面面規帶。則香雪海最。惜哉。易梅以桑。使數百年舊柯寥落不及十一也。於是余十日閒雨至香雪海矣。令香雪海幾負謗者。予知香雪海之勝而徧及者亦予。然非方伯持之堅。觀察行之力。則不奪於人言。亦格於天時矣。遊小道也不親履。則不易知。親履之而尙得其一。遺其十。矧大於遊者哉。因益歎余之憤憤。而服方伯觀察之去人遠也。三君子皆有詩。予因序之。

重濬北湖記

郴州北郭外有湖曰北湖。唐永貞初。韓文公由陽山貶所。量移而北。待命於郴。所觴詠地也。湖蕪絕。有流涓涓出山。灑敗畦。贖圃。交絡其側。其窪處有舊形可規。今刺史曾君。慨歎湮廢。導泉成沼。列植木草。闢堂三楹。拓堂以庭。環庭以欄楯。令可俯瞰。沼堂祀文公。而以張員外署。李使君伯康配焉。經始於道光六年春日。落成於冬日。以澤曾駐其地。屬記於澤。澤維公之待命於郴也。由貶陽山。其貶也。或以爲論宮市。或以爲論關中天下根本。遭逢旱饑。徵斂不以急。或以爲李實之譖。或以爲公謗時政。有泄其語於王伾。王

叔文章執誼者。疑不能明也。夫小人之厄君子也。或罔以所必無。或矚以所必有。或陷以有與無之間。然君子辨於是非。或不受其誣。轉相詰責。則君子之身廢。而其氣伸。小人之術行。而其惡暴。惟其茫昧掩抑。不言其過。臨之以朝廷之怒。奔迫之命。則君子無可置喙。而小人得以顯逃。其鉗網周內之罪。嗚呼。術至此。亦巧矣。迨赦書既下。量移而北。猶復使公鬱鬱居此。則小人之朋未翦。而其陰鷲沉毒。仍欲以茫昧掩抑相困阻。使小人不卽翦。則公之待命且無已時也。嗚呼。術至此。亦足以威君子矣。然公不云乎。凡禍福吉凶之來。不必在我。必曰君子則吉。小人則凶。不可也。不又云乎。儒者之於患難。苟非其自取之。其拒而不受於懷。若築河隄以障屋霽。是則公居柳三月餘。盱衡相羊。快意於北湖之上。極又魚行酒賦詩之樂。所謂築河隄以障屋霽。而與騷人秋士悲憤怨尤。激而爲此樂者。固大相河漢矣。且公之始貶也。宜咎李實。其待命於柳也。宜咎任叔文。蓋貶以貞元十九年冬。其時李實方幸。而待命以永貞元年春。其時任叔文方幸。然則北湖者。乃羣小人舉以貶君子。而爲君子樂天知命之地者也。嗚呼。後之遊者。可以觀矣。曾君名鉉。第進士。能文章。其治柳也。有李使君之風。其瀋湖建祠也。得李使君之志。不意千百年後。尙有聯韓張李之交。而令我文公傾倒者也。若是者不可以不記。

重修有明何文簡公綽楔記

大清道光八年。龍集戊子。夏四月。恩澤以試士來柳。有明何文簡之裔孫名某。揖於途。以文簡所著若干種進。且曰。文簡。有表其功若德而綽楔者。石歷久將泐。名某等力任修。修竣欲乞文以紀其事。恩澤惟

文簡以通儒偉才。敷歷中外。所至品品。其功若德。著於史與自著。不待覲縷。然其出處也。以忠而善用。忠也。以學。忠故出處不私。學故識卓。識卓故見終始。明當明世宗嗣位初。議大禮者始萌芽。宰執百寮論未沸。而文簡於萬里外。抗疏首爭。皇叔考稱名之非。而寔漢宣光武晉元之得禮。斥漢哀安桓靈之失禮。若有以灼見世宗必遂其私而後止者。此其識不可及。張桂勃興。議禮愈支。文簡發十三難以折之。然不可奪也。不獲已。以哭爭倡。應者二百餘。而文簡廢。此其忠不可及。浸假帝興獻。且去本生號。且考興獻矣。且加皇伯考於孝宗矣。且作世廟祀興獻矣。且躋興獻於武宗上矣。而後知文簡始議以哀安桓靈爲諷者之灼見。本末不爽也。而後知倡哭爭聲震殿陛之不爲激也。且也張桂之爭有所爲。文簡之爭無所爲。無所爲則以禮事君而已。引君當道而已。有所爲則希榮顯。排異己。不得君不已也。是則張桂之議。縱有合於人心。已失其本心。而況所議之詭於時。而戾於古哉。斯時議大禮者。咸主濮議。然宋英幼撫於仁。與漢哀同。與世宗小異。張桂窺其隙。故其言易入。而世宗之始入也。卽不欲暫處太子位。故承大宗之說。百喙若弗聞。若文簡之論。則以漢宣帝不敢加號於史皇孫。光武不敢加號於南頓君。晉元帝不敢加號於恭王。則其識出於主濮議之上。蓋舜至孝也。未聞加號於瞽瞍。雖百張桂其何能辨。然張桂益以伸。文簡益以屈。張桂得君終以垢。文簡不得君終以潔。千載之下。莫不知文簡以忠退。而張桂以佞進也。且夫臣之於君。非休戚一體。則不能強諫。無真誠感人。則不能聚其徒數百泣而諫。當其諫也。不知有刀鋸鼎鑊也。然非真誠如文簡。則諫而退者有矣。不若是之激也。惟激愈見其忠也。愈見其以引君當道爲志。而他無

所冀也。惟激則愈見其識也。知張桂之焰日烈。世宗之心日渝。不棄其統與嗣。背禮遂私。不止也。吾故曰。文簡之忠本於識。識本於學。學無所不窺。而尤邃於史。故言成敗得失。若指諸掌也。是故其識卓。其忠堅。若視公家事如楚越。君蹟而臣不扶者。其見唾於文簡必矣。吾慕其學。欽其忠。僭書於此。以爲來者勸。

孟縣修文時閣記

孟縣形勝甲河內。王屋迤其北。大河巨其南。溴水襟其東。周爲盟津。晉爲河陽邑。唐宋以來。皆爲重鎮。河清柏崖無辟諸險要。皆基布境內。蓋受扶輿之力厚。故氣逆順。風聚散。皆靈響若蒼焉。吾友徐君勳。治斯邑有年。政平而訟清。穀穰穰。山委綠。以文字化其秀良者。而邑父老咸稱邑之東南。向建鎖水關。後圯於河。文運遂不振。斯言也。然乎否乎。夫十室忠信。好學以成之。其舉措足以運量造化。人固不爲地囿也。然而有舉莫廢。實守土之責。又河溴之間。使巍然峩然者。居之上。足以奉星辰。俎豆。下足以壯遠邇。瞻矚。所謂靈響若蒼者。意在斯乎。於是邑侯捐白金三百爲之倡。紳士宮樞等。釀白金三千。竟其功。鳩巨工。庀大材。經始於乙未之夏。斷手於丙申之夏。閣仍三層。崇五丈。祀文昌奎星。凡閱十五月。頓還舊觀。於是父老欣欣。子弟愉愉。弦誦之聲。與大河聲相應。風俗且比鄒魯。曾科目之足言。而人材蒸蒸蔚起。科目亦相尋而至。理可券也。此一役也。可以不朽。事成。索記於予。予爲易其名曰文時閣。銘曰。

河溴之間。傑閣峙焉。以表我中。渾而輝映。麥山興廢。舉墜。嶽崇造天。必起俊豪。爲多士先。

陶荂江先生崇祀鄉賢記

嘉慶十年閏六月某日。安化陶莫江先生卒於里。二十二年夏四月。湖南巡撫巴哈布公。學政謝君塔樹。以先生祀鄉賢事。具疏題請。其年冬。奉旨俞允。道光八年夏。其哲嗣江蘇巡撫雲汀先生澍。寓書於恩澤。屬記其事。以恩澤曾任湖南學政。知先生言行尤悉也。恩澤惟古大賢負鄉里碩望。殤可祭社。必也秉純摯之性。抱千百人之才。其氣宏以剛。其力峻以博。於是乎氣足以舉事。力足以任事。人所不能爲。不能強我爲之。而必推及其至。至則感。感則明。格乎天地而幽。浹乎神鬼。其生也名著。其殤也道存。是故孝。庸行也。先生之孝。至於親病嘗糞。感夢而親疾愈。則孝至。斂殮。人所勇也。先生之仁。至於親畚畝。躬坎塋。則仁至。以行型於鄉。以文化於鄉。尤恐人心之不克勉。先生則曲從形家之言。以遂其欲。導其響。費絀不置。病甚不舍。疾風雨不閒卒也。形家言所因建者。建而書院亦從而華整。人心所趣。文業遂日盛。非義之至。烏能肩勞怨若是。是皆先生卓行。榮華可紀者。且學人於治經史時。有所謂天文律筭禮樂名物。分其一足。擾擾一生。而先生囊括而并攻之。發爲文若詩。又雄卓深健。楷模後生。非蓄氣之宏且剛。用力之峻且博。有不能爲不能強者矣。恩澤使湖南時。凡湖南人稱篤行者。方聞者。必首先生言文若詩若著述。必尊先生。先生之名溢於其鄉。其道存。卽其神無不在也。俎豆而尸祝之。誰曰不宜。古今鄉先生一行一言之修。湮沒者不少。惟磊落奇偉之士。流傳於無窮。且天必有所發焉。以顯著其才若德。今雲汀先生治江蘇。宏績鉅畫。不可殫述。其任事也。必推及其至。則於先生之所蓄。蓋能探其源而揚其瀾也。是能使先生之名溢於一鄉。而兼達天下也。先生諱必銓。字士升。號莫江。湖南安化人。

潘少白文稿序

澤與少白山人交凡四載。一日縱言至於文。因出示大箸若干卷。澤三復讀之。窺其性情正功力厚也。促付梓。梓成。澤欣然序之。其言曰。無範。非文也。爲範以自盡。非文也。形似而多規仿毗倚。非文也。清而無包孕。非文也。夫文士之心。與天地之心相貫。其言皆人人所欲言。其言皆人人所不能言。其言皆賢哲所未盡言。然後其道尊。其藝傳。是故狂文也。狷亦文也。正文也。奇亦文也。吾於少白山人信之。山人古狂者也。負兼人才學。與藝靡不通。足跡窮宇內。政事人理。物情靡不達。於是。由狂返狷。遂進乎道。其爲文也。探六經羣史諸子百家之奧。涵泳得義理。損益得法度。出入得鋒距。於是。由奇反正。遂進乎道。夫神明於渠。幾有範亦無範。無所規仿毗倚。則可令古人似我。包孕至厚。則瀏然而清者愈見。觀乎湖溝之清。與江湖之清殊。江湖大波起。則天地易嚮。其激也。魚龍百怪。隱現變幻。不可迫視。而清愈昭然矣。蓋徒狷無措施。才徒奇無堅定志。人知山人之狷。而不知自狂。人知其文由正入。而不知自奇出也。使持此爲用世資。其運量詎可涯。惜也。潛處抱獨。僅以文傳。然而道固在是。此澤促付梓之意也。

跋黃忠端楷書孝經墨刻

右黃忠端楷書孝經墨刻。此庶人之孝也。下增引詩云。我稼既同。上入執宮功。晝爾于茅。宵爾索綯。亟其乘屋。其始播百穀。廿五字。不知何所據。其題首云。孝經定本。似定本。卽所據也。按忠端著述。有孝經集傳四卷。以集傳證之。亦無引詩廿五字。而右經一章下。注云。孝經舊本凡十八章。千七百七十三字。石臺本

皆依劉向所校。河閒獻王得於顏芝者。獨標題差殊耳。近儒皆疑四孝俱有引詩。而庶人獨否。似有闕文。又聿脩之義。大雅所告天子。無忝之詩。小宛以勸庶民。欲移大雅以發天子之端。推無忝以起庶民之例。於說亦通。然於首章文義未終。於過節發端多礙。小宛之賦。雖通於庶民。有慶之義。反疏於侯國。又云。凡孝經之義。不爲庶人而發。其自舜文而下。獨推周公以愛敬爲道德之原。豫順爲禮樂之實。又云。劉炫繆以閨門之語。溷於聖經。閨門之內。具禮矣乎。嚴父嚴兄。妻子臣妾。猶百姓徒役也。古文多此二十二字。朱子誤以聖人之訓。自分經傳。必拘五孝以發五詩。則厥失維均。去古愈遠矣。據此則忠端不以庶人章增引詩爲然。況舉詩以實之乎。且定本之說。既不見文集。又不見集傳。蓋無所謂定本也。然經義考引朱垣之言曰。忠端在白雲庫中。手寫孝經百二十本。本本各別。或者增此二十五字之本。是忠端未定論以前所寫歟。

孝經有古文今文之分。王劭、劉炫紛紛聚訟。見於隋志。主古文者。劉知幾、司馬貞。彼此駁議。見於唐會要。自石臺孝經。用今文而古文遂微。石臺孝經。即唐明皇書。然據黃氏日鈔所載。核之古文。多閨門一章二十二字。今文無之。其餘不過字句有增減。章有分合耳。即晚出之足利本。其經文亦無大同異。惟僞託孔安國注爲不足信。而今文鄭注。是小同所作。嚴可均所輯孝經鄭注。仍以爲康成所作。阮福孝經通義。則云小同。三國漢魏隋唐不見之本。宋元明不能見。中國不見之本。海外或見之。茲按古今文及足利本。皆無庶人章增引詩之說。則所謂定本者。蓋不可信矣。吳草廬孝經定本。亦無此引詩廿五字。

朱子作孝經采誤。爲此經添一改本。吳草廬作孝經定本。又爲此經添一改本。

吳少空傑奏唐陸宣公贊從祀聖廟疏書後

聖門比天地。齋載無不有也。則賢詰忠孝文武俱宜入。有良限乎。則唐人曾言之。一爲抱殘經於兵燹。幾墜之際。一爲有傳注功。所謂代用其書垂爲國冑者。然七十子不必皆著作。皆抱殘經。何也。曰。親炙可弗論外。此雖賢詰忠孝文武。不傳道俱不宜入。此荀董揚而後所爲落落也。然則荀董揚何以入。曰。其立言中言語科。故繼入有韓昌黎。繼入有陸宣公。宣公仕孱朝。親庸主。無赫赫事功。其立言則醇乎醇者也。荀之言性惡。激而爲之。後世尙有抵其隙者。揚出處大節已刳。獨以立言耳。宣公其董韓閒乎。宜其千百載後。達者發之。禮官承之。聖人領焉。大抵漢宋大儒有傳注功。方得入。其見也拘。宋以後指心爲傳道。雜以禪悅。亦得入。其弊也蕩。而立言以傳道。其道也。其文也。則別樹一幟焉。故必如宣公。乃可繼荀董揚韓。而後非然。則宜守唐人成議。以峻聖門良限。乃所以尊聖道也。

神龍蘭亭跋

定武爲歐臨。神龍爲褚臨。常談耳。謂神龍中。太平公主借出摹拓遂亡者。董廣川也。然未目爲神龍本。謂宋理宗嫁周漢國公主於楊鎮。爲報奩之物者。袁清容也。是神龍本之目。權輿南宋閒矣。此本筆趣洋溢。具斜簪散髮之態。實遠出穎上之右。謂是宋摹拓。誰曰不宜。若泥暢字左頂逆折。和字收筆內轉。及貞觀神龍開元印疊疊然。則是執牝牡驪黃。衡千里馬矣。

安玩堂藏稿後跋

右安玩堂藏稿文五十九首。賦十三首。詩二百四十首。先大夫榮祿公所箸也。恩澤生十一歲而孤。記就塾時。先大父手時藪。授恩澤。且誨曰。爾父少讀書。一再過。卽成誦。不忘爲文析理。用法至淺。遂通鄭學。於詩三禮尤精核。爾未知其涯也。言罷。余歎。又記曹文敏公語恩澤曰。尊甫學士。背誦十三經。並注疏。琅琅然。爲文縱橫變化。神明規矐。業師王明府訓恩澤曰。吾座主以韓柳筆爲時藝。尤妙解題。能補漢唐宋諸說所未備。恩澤稍長。謁法時帆丈。謂曰。尊甫文旣工絕。賦律尤整細。不踰唐賢法。詩無窮清新。吾歎鮑覺生少司空。以詩賦鳴。謂恩澤曰。尊甫賦律追唐賢。詩格追兩宋。雅潔精鍊。卓然成家。善乎吾座主曹文正之言曰。尊甫與僕爲總角交。同志同業。能以實學發至慧。識力才鋒俱峻絕。故行文有宏逸之氣。詩始喜門博似吳淵穎。繼以清峭勝。遂棄落陳言。獨標雋旨。惜乎年踰強仕。遽歸道山。平生貫非羣經。尤深詩三禮三傳。未暇箸述。成一家言。而僅以詩文傳。矧橐艸又佚其大半耶。恩澤不善讀父書。習聞先師友所論。因附識于簡末。道光十有六年始校。閱八月而成。任其事。訂其譌。爲張石洲大令。卽前序張蓀圃太夫子之文孫也。十有七年夏四月。孤恩澤識。

題倉龍集

右成邸詩草一卷。詩凡卅二。內失題者二。繡夫姊丈得於令兄芝房處。謂余曰。成邸筆法。當代之善鑒者。稔知之。然無款印。思滋後人惑也。子盍爲我跋其後。予伏讀之下。見有送吳祭酒錫麒還里詩者。刻入詩晉齋帖。見有謝十色畫錠詩者。則謝先大夫。弄於予家。得此二證。不必款印。而斷其爲成邸無疑無疑者。

也。況真草隨意。天機盎然。通峻之法全收。黜黜之神亦妙。較矜練時不啻過之。詩則五古得晉人意。七古得蘇長公法律體。兼初中唐而波及北宋。其橫鶻捷出名論超雋。則由學博而才贍。位重而道高也。且夫身處朱門。而情遊江海。地居枝昵。而友接佳流。懷抱之際。尤難涯涘。傳所謂雅道邁於東平。文藝高於北海者。庶幾見之矣。先大夫曾遊梁苑。頗甘楚醴。投贈之句。貫若文珠。徇知之書。光乎舊華。而綠苔生後。賓客先傾。鳳尾畫餘。賢藩亦謝。反復斯卷。不勝懽然。辛卯秋八月下浣。

桂陽州重修試院記

桂陽州試院。國朝雍正十年。勦。乾隆四十八年。修。閱卅餘載。未修。地浸下。水侵暴。土沮洳。不勝載。棟阿蒸出。菌又不勝瓴甌。使不卽治。則積且墟矣。州刺史陳君同治。蒞此邦。慨然思整。懼無以效也。取諸民。則懼民未孚。倡而弗和也。政成五年。民信其長。乃攘臂以邪許倡。民皆諾。遂積朱提二萬餘。進鄉老約曰。某宜培。某宜闢。某宜更。怠者宜董。撓者宜懲。我職之。我暇。輒旦暮省。支度出入。雖纖毫。若職之。毋以闕。鳩者庇者咸奮。若營己室。增土至半丈。棠棣皆良材。先廊舍。次堂廡。次窻个。庖。庠。其外陳以直中門。令士魚貫入。且避雨。經始道光七年。夏五。其年冬。考室。刺史嘆曰。是勦也。奚爲修。彼昔之勦。何異積。且墟耶。今勦不告。後後何以繼。踰年夏。余按試。斯乞文紀厥事。奈惟宙合之奇。不於人。卽於物。桂。寶區也。五金丹砂皆族。故物贏。而人絀。今寶且衰。而蜿螭鬱勃之氣。猶是。豈別有所洩耶。抑人將贏。而寶將絀耶。桂。又瘠區也。不足於穀。乃贏於寶。故可支。今寶且賊。民穀益不足。然邦君攘臂以邪許倡。不旬日而朱提累萬俱集。不數

月而工以藏。夫求試而利祿。青衿員領事也。自把耒鋤。逐什一者。視之弗急也。咸奮若是。意者人皆知重儒。不吝竭其貲以爲重儒地。而儒者亦從容受厥福歟。夫人不愛寶。則寶之數絀。人重儒。則儒之數贏。天相人。則磊落奇偉之儒生。人順天。則磊落奇偉之寶棄。使儒者徒受厥福。而不自淑其身。厲其學。則不惟悖天。兼悖人。多士勉乎哉。異日名山尊大儒。明廷尊大臣。所謂萃五金丹砂之氣。而英英以寶見重者。將必有其人矣。然非邦君倡於民。重厥儒。則倡無以應。非把耒鋤。逐什一者。皆知棄寶而重儒。則無以荅邦君之倡。蓋重儒之一念。上下相應。所關甚鉅。若廊舍寬則士舒。堂廡寬則校士者舒。去風雨之患。厘整之疾。猶其末焉者也。故紀其華華大者。

